

সানসেয়ারি "বড'সা" স্বীর্লাইয়া
সমায্যারি জিউজী লোছা থানায রায়থায়, সন্ধ্যায়,
সল', সল'বাথা আরো দাব্বায়ায়ি থাবনি, পাৰ্কে
বাইদিবি স্যায়াব লিৰ্ণায় লিৰ্ণিবাঁ দৈথায় হৰ/
সানসেয়ারি "বড'সা" স্বীর্লাইয়া স্বেবৰ্ণান্নে
ফোবাবগোব।
বড'স্যায়াব লিৰ্ণায়ি হুদা স্ৰালাম,
"বড'সা" স্বী নোঁথোঁ, জোঁ বয়বোঁ আংগো স্ৰালাম।
সানসেয়ারি বড'সা মাঝখলি
মাঝব নোগোঁ, জোহোলাব দৈমালু লামা
কক্ৰাঞ্জাৰ, বিটসি-783370
Website: www.bodosanewspaper.com

সানসেয়ারি বড'সা



BODOSA ★ A Bodo News Daily ★ Monday ★ 6 September, 2021 Kokrajhar, BTC, Assam ★ Vol.- 31, Issue No. 162 ★ R.N.I.Regd.No.40994/91, Assam Govt.Regd.No.IPRD.40/2006/13, ★ Rs.8/-

লাভিলনা বৰগহাড়াইখৌ
সোলোঁথায় বিফানআ ব্ৰেণ্ড
এম্বাচাডাৰ মহেঁথিসনবায



গুৱাহাটী, 5 সেপ্টেম্বৰ: দিনে 5
সেপ্টেম্বৰ অকটখৌ দুলাৰায়
ভাৰতনাডে-নো হাদৰনি মুদাঁখা
ফোৰোঁগিৰি, গেদেমা দাৰ্শনিক আরো
ভাৰতনি বাৰা' হাদৰগিৰি ড
(□ 5 বিলাইআব)

ফেসবুকআব হাদৰ
বৈৰেখা পস্ট হোনাঐ
সােসে হমজাদোঁ

বাৰুসা, 5 সেপ্টেম্বৰ: বাৰুসা
জিল্লানি সালবাৰিআব
সমায্যায়ি বিজোঁ ফেসবুকআব
সােসে সুবুড হাদৰ বিগ্ৰাযায়ি
অজদ গোনা' পস্ট শোয়া
খালামনানৈ পুলিসজোঁ হমজাদোঁ।
হমজানায সুবুখৌ রফিকুল
ইসলাম হোনাঐ সিনাৰথিনায
(□ 5 বিলাইআব)

বিটসি সোলোঁথায় বিফাননি বাৰুসায়নাযাব 60 থি ফোৰোঁগিৰি সান ফালিদোঁ
বিনন্দ স্বৰ্গিয়ারিনো সাবসিন ফোৰোঁগিৰি বাৰুসা গথায়বায



কক্ৰাঞ্জাৰ, 5 সেপ্টেম্বৰ: সৰ্বপল্লী
বিটসিনি সোলোঁথায় বিফাননি
বাৰুসায়নাযাব কক্ৰাঞ্জাৰ
থানায কক্ৰাঞ্জাৰ বিগ্ৰাযায়ি
ফাৰায়সালিমানি নিলকমল
ব্ৰহ্ম মেলা জথুমসালি নব্বাডাব
ভাৰতনি বাৰা' হাদৰগিৰি ড

সৰ্বপল্লী গধাকৃষ্ণনি জোনোম
সান এবা ফোৰোঁগিৰি সান
খুঁফু'নায জায়ো। বে
হাৰাফাৰিয়াবনো বাৰুসা
জিল্লানি সিডাব থানায
দেবলকুচি গোজোঁসিন গেজ
ফাৰায়সালিনি বিনন্দ

স্বৰ্গিয়ারিনো বিটসিনি সিডাব
থানায সাবসিন ফোৰোঁগিৰি
বাৰুসাখৌ গথায়নায জায়ো।
লোগোসে সা 172 আজিৰা
মোনায ফোৰোঁগিৰিফোৰখৌবো
বিটসি সোলোঁথায় বিফানআ
ফোৰোঁগিৰি সানজোঁ লোছা

দাবৰাই ফাউন্ডেসন এন জি অ আরো কাৰিগাব দালাই এবসুনি
বাৰুসায়নায সমাজযায়ি সাংগ্ৰাথি হাবাফাৰি খুদোঁ

কক্ৰাঞ্জাৰ, 5 সেপ্টেম্বৰ: দিনে
5 সেপ্টেম্বৰ ফোৰোঁগিৰি সানজোঁ
লোছা লাখিনানৈ কক্ৰাঞ্জাৰ
জিল্লানি সিডাব থানায
কাৰিগাব গোজোঁ ফাৰায়সালিয়াব
সোলিফু সমাজযায়ি থাসাৰিনি
সায়াব বিথা খালামনানৈ
বাঁবুলা ফিল্ম প্ৰডাক্সন জোঁ
(□ 5 বিলাইআব)



কক্ৰাঞ্জাৰ জিল্লা এবসুআ
ফোৰোঁগিৰি সাননি হামব্লায়থি হৰদোঁ

কক্ৰাঞ্জাৰ, 5 সেপ্টেম্বৰ: দিনে ফোৰোঁগিৰি
সাননি গোথায় বুৰ্ণিয়াব কক্ৰাঞ্জাৰ
জিল্লা দুলাৰায় ব'ৰ' ফাৰায়সা
আফাদনা সাফ্রোমবো
ফোৰোঁগিৰিফোৰনিহামলায়থিহৰদোঁ।
ভাৰতনি বাৰা' হাদৰগিৰি ড সৰ্বপল্লী



রাধাকৃষ্ণনি দিনে জোনোম
সানআব সাফ্রোমবো ফোৰোঁগিৰিনিহাম
জিল্লা এবসুআ গোসো-গোৰোঁনিফ্রায়
হামব্লায়থিহৰদোঁ। জেৰাব সাফ্রোমবো
ফোৰোঁগিৰিফোৰা গোব্ৰাব নাজানাৰনি
(□ 5 বিলাইআব)

ফোৰোঁগিৰিফোৰখৌ মেলেমজিবি হোনালাসেনো রোঁগৌথি গোনা
হোনাঐসো মখ'নাযা গাহাম: দিপামনি বৈসয়

বাসুগাব, 5 সেপ্টেম্বৰ: হাদোঁ
নাডে-নো 5 সেপ্টেম্বৰ সানখৌ
ফোৰোঁগিৰি সান মহেঁ ফালিনাযজোঁ
লোগোসেনো বি টি সিনি সিডাব
থানায চিৰাং জিল্লায়াববো দিনে
60 থি ফোৰোঁগিৰি সানখৌ লোছা
লাখিনানৈ খুঁফু'নায হাবাফাৰিয়াব
চিৰাং জিল্লানি এডিসনেল
(□ 5 বিলাইআব)



সিআইটিআব সান্থৌগিৰিফোৰজোঁ আসাম
বিধান সভানি বুঁথিগিৰিআ সাবৰায়লায়দোঁ

কক্ৰাঞ্জাৰ, 5 সেপ্টেম্বৰ: আসাম
বিধান সভানি বুঁথিগিৰি মুখি
বিৰুজিত দৈমাৰিআ দিনে
কক্ৰাঞ্জাৰ দাব্বাফেদোঁ। সাননৈ
নাডে হাবাফাৰিআ কক্ৰাঞ্জাৰসিম
দাব্বায়াবনায বুঁথিগিৰি
বিৰুজিত দৈমাৰিআ কক্ৰাঞ্জাৰ
সহৰনি সান্থৌগিৰিফোৰজোঁ মোনসে
সাবৰায়লায়নায জথুমআব
(□ 5 বিলাইআব)



ভবানীপুৰ আরো সৰুপেটায়াব ফোৰোঁগিৰি সান ফালিদোঁ

ভবানীপুৰ, 5 সেপ্টেম্বৰ: আফা
আসামনি গুবুন গংসে গোজোঁ
সোলোঁথায় ফস'থান ভবানীপুৰ
আনসলিক ফাৰায়সালিমায়াব
ফাৰায়সালিমা সামলায
আফাদনি বাৰুসায়নায দিনে
গেবলা' হাবাফাৰিআ ফোৰোঁগিৰি
সানখৌ খুঁফু'নায জাদোঁ। দিনেনি



বে ফোৰোঁগিৰি সান খুঁফু'নায
হাবাফাৰিআ হাদৰনি গেদেমা
দাৰ্শনিক আরো ভাৰতনি বাৰা'
হাদৰগিৰি ড সৰ্বপল্লী
রাধাকৃষ্ণনি সাবগাৰিআব
বিবাব মান বাউনায, আলাসি
বাথি ফোৰোঁগিৰি জাগায়জেনো।
লোগোসে ভবানীপুৰ আনসলিক
(□ 5 বিলাইআব)

2014 মাড্ৰায়াব হায়িয়ারি
দাড-বাঁজি সোমজিনায়াব জিড
গোমানায নখ'ৰফোৰাব এ বি এম
সুআ খোঁগা' লাইদোঁ

সালবাৰি, 5 সেপ্টেম্বৰ: বাৰুসা
জিল্লানি সালবাৰি মহকুমানি
সিডাব থানায
কাৰ্জিয়ামাতিআব থানায
সনিবাৰখালি দুলাৰায় বি টি
সি এ বি এম সুনি মিৰু
আফাদনি মোনসে দোলোআ
নুজাথিহেয়ো। মখ'নো গোনা'দি
(□ 5 বিলাইআব)

গসাঙগাব, 5 সেপ্টেম্বৰ:
রায়জোঁআব উফ্রা
বিসায়খ'থিৰখৌ বিসায়খ'থি
আয়গা খুঁনো থাখায় থাখি
লাগাসিনো দাঁ। বেখৌ নোজ
হোনাঐ বি জে পি দোলোআ
সানফা এফা গাবসিনি দোলোখৌ
গোখৌ খালামনো থাখায় খুঁনো
গোনা' বিয়াবফোৰাব হাবাফাৰি



লাবোনাযখৌ নুনো মোন্দোঁ। মহকুমানি সিডাব থানায
বেবাৰ্যদিনে দিনেবো গসাঙগাব (□ 5 বিলাইআব)

উদালগুৰি জিল্লানি পানেৰিআব 60 থি ফোৰোঁগিৰি সান খুদোঁ



উদালগুৰি, 5 সেপ্টেম্বৰ: বি টি সি
খুঁফু'নায বাৰুসায়নাযাব
উদালগুৰি জিল্লানি সিডাব
থানায পানেৰি গোজোঁসিন
ফাৰায়সালিয়াব উদালগুৰি
জিল্লানি বাৰুসায়নাযাব 60
থি ফোৰোঁগিৰি সানায
ধেৰগাব মহকুমানি সিডাব
থানায ফাৰায়সালিফোৰাব
ফাৰায়সালি নাৰ্যদিগিৰি
ভুমিধৰ ব'ৰ'নি আফাদনি
মাৰ্শি সামব্লায়নাযাব
খুঁফু'নায বৰায় আফাদখৌ
সামব্লায় বাৰুগুৰি
গোজোঁ ফাৰায়সালিনি
গাহায় ফোৰোঁগিৰিজো
গায়ত্ৰি ভট্টাৰাইআ
গাহায় আলাসি মহেঁ
নুজাথিনায়াব বি টি
সিনি লেডা গাহায়
মাঝফুঁ সোঁদ্রোমা গবিন্দ
(□ 5 বিলাইআব)

MULTI BRAND READYMADE GARMENTS SALE
লকডাউননি জানায়নি থাখায় রেডিমেড গারমেণ্টস (গানগ্ৰা জোমগ্ৰা)
গাসেবো হলসেল ডিফুফোৰা বন্দ জানায়নি জাহোনাব হৌবা-আৰো
হিন্জাবফোৰনি গানগ্ৰা-জোমগ্ৰাফোৰনি সায়াব।
FLAT → 80% ডিসকাউন্ট (খৰ্মাব) ফান্নায় জাদোঁ
জেৰাব 999/- র, 1999/- রাডাব ফান্নায় রেডিমেড গানগ্ৰা জোমগ্ৰাফোৰখৌ
মাৰ → 350/- রাডাব মোননো হাগোন
জোঁ জিন্স, ট্ৰাউজাৰ, চিনস পেণ্ট, কাৰ্গ পেণ্ট, টি সাৰ্ট, বাৰমুদা, কেপৰি গাল্ৰস্ টপ, পলাজ',
লআৰ, লিডিস জিন্স, জৈগিংগা, ফাইজামা, স্পৰ্টস টি-সাৰ্ট, ফুল স্লিভ টি-সাৰ্ট, ফলো
স্ট্ৰিফ-টি-সাৰ্ট, সিফন টপ, স্কাৰ্ট, গাল্ৰস্ লং টপ, কটন টপ। মেস সাৰ্ট আরো গোবাঁ
রোখোমনি গানগ্ৰা-জোমগ্ৰাফোৰখৌ নোঁথাঁমোনহা খম বেসেনাবনো মোননো হাগোন।
মাৰ → 350/-রাঁডাব মোননো হাগোন
সান 3 নি থাখায়ল' খালামনায জাদোঁ
ফৈগৌ 06, 07 আরো 08 সেপ্টেম্বৰ, 2021, সমবাৰ, মংলবাৰ আরো বুধবাৰ
(ফুঁবিলিনি 9.00 সিগানিফ্রায় মোনবিলিনি 7.00 সিগাসিম)।
থাবনি : HOTEL GOURANG VALLEY
J.D. ROAD, KOKRAJHAR, B.T.R., KOKRAJHAR, (ASSAM)
কবিড-19 নি প্ৰটকলখৌ আবুঁডে মানিনানৈ হলনি সিডাব মাৰু গানাবোব্লা হাবহোনায জানায় নড।
ENTRY/FREE WANTED SALES GIRLS PARKING AVAILABLE

सुजुगिरिनि खोलोम

बादायारि जुगनि फरायफारि

सोलोँथायानो सुबुं समाजनि आयना। आयनायाव जौं जैरे गावनि महर-मुसिखौं नुयो थिंग बे बादिनो सोलोँथायनि गेजेरजौं मोजाँ गाजिखौं जौं सायखनानै लानो हायो। हादोरखौं फारफोमबो बिधिइव जौंगासाद होलांनो, सुबुं समाजखौं गेबें लामाजौं दैदेनलांनो, गोगो समाज दाकुंनो सोलोँथायनि गोनांथि दंखायो। गोदोनि समफोराव भारतनि सोलोँथाय होनाय-लानायनि गाहाय सोलोँसालिफोरनि सोमोन्दे खेफोरनानै नाइब्ला नुनो मोनोदि हिन्दुफोरा-राजा-महाराजानि खुंथायआव संस्कृत टुल, ऋषि मुनिफोरनि आग्रम, मुसलिमफोरा माद्रासा-मक्ताब आरो ख्रिष्टान धोरोमारिफोरा गिजांनि गेजेरजौं सोलोँथाय होयोमोन। सोलोँथायनि आयदाफोरा गुबैयें धोरोम शास्त्र, बेद, उपनिषद आरो गोनांथि बाइदियै हाथियारनि आयदाखौंनो सोफादेरनाय जायोमोन। अदेबानि नुंनोथाडेव्ला आथिखालाव राजा-महाराजानि साम्राज्यबो गेलिया ऋषि-मुनिबो गेलिया। टुल, माद्रासा-मक्ताब आरो गिजांथाय सोलोँथाय होनायनि जायगाथाबो गुबुन महर लाबाय। सुबुं माहारिया दिनै बिगियाननि ज्ञानजौं जैरेथिजायबो जै-जै मै-मै दावगाबो गासिनो दडू आरो दावगालांगोन। रांखांथिआरि, समाजखांथिआरि, फालांगिआरि मोनफ्रोमबो बिथिइवबो गुस्लायनाय फैदौं। सोलोँथायनि अनगा राजखांथि, समाजखांथि, बिगियान, तत्थ-प्रजुक्ति, फालांगि जेथिजायबो जौं आगान सुरलांनो हाया। बिगियाननि बोर सारसिनायाव दुलाराय बुढमखौंनो दरसे दुलुर गार्मिनि महर होनो बिगियानगिरिफोरा नाजदौं एबा होदौंबो। ग्लाबेलाइजेसनि बारहावाजौं बोबर्थि जाजाय जोबोद बादायारि दिनेनै बे जुगआव जौं मा बाइदि सोलोँथाय लांनगौं एबा मा रोखोम सोलोँथाया जौनि इयुन दनायाव मा बाइदि गोहोम खोख्लैंगोन बेखौं सायखनयासो देरसिन हाबा।

फैलाव नोजोरजौं नाइब्ला नुनोमोनोदि भारतजौं लोगोसे दुलाराय आसामावबो लाख-लाख सोलोँथाय गोनां लाइमोनफोरा साखि-बाखि होनानै हामल्फा-सिमल्फा ज'ज' खारथिलाबायदौं। बेखिनियावनो सोथि सिखारो दि, सोलोँथाय थासेयावबो, रंगीथि थानानैबो मानो साखिखौं ल' नागिरदौं? मास्टार, केरानि, उकिल, हाकिम सोरजिनयावनो सोलोँथायनि गुबै औंथि बुजायो नामा? जौनि हादोरनि सोलोँथायनि फरायफारिया मा थाखोनि? बोहैथि समजौं गोरबेदौंनो गोरबेखौं? सोलिफु फरायफारिया हादोरनि इयुन नोगोरारि एबा सुबुं सम्पदखौं जौंगाहो नो हाहैंगोन ना हाया जौनि बिजरिनांगौं बाथ्राया बेसो। मानोना सोलोँथायनि मानखौं गोजौं फासैं बोखोलांनो सरकारा बोसोरफ्रोमबो बाइदिसिना बिथांथि आजावयो। बिथांथिफोरा फाइलआवल' बन्ध जानानै थानाडा। खैफोद बहा दिनेनै बादायारि मुगायाव ओरैबाइदि सोलोँथाय होनाय-लानायनि दोहौं लाबोनांगौं जाय सोलोँथाया साखि-बाखिखौं ल' लामा नायालासेनो गावनि आथिइव गसंथानानै बुढमनि बोहैथि बारजौं गोरबेनानै गोखोडे जिउखौं दैदेनलांनो गोहो बुथुमो। बेनि थाखाय हादोरनि खुंथायगिरि, साधारण राइजो-राजाफोरा खोसेयै सुबुं सम्पद सोरजिनो हाथावना सोलोँथायारि फरायफारिखौं फरायसालिफोराव रोखायै बेंखेवनायनि लामायासो जौं बयनिबो गनायथाव होनानै बुनो हागौं।

दिनेनि फानजामुथि

राशि बाइदियै मुनि गिवि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** मावनो लानाय खामानिया खहा जानो हागौं। गोसोखौं सांथि मोन्याय नडा।
- वृष:** मोनफ्रोमबो खामानिया असुभ जानो हागौं। मोजां खामानि मावनयनिफ्राय गोजान था।
- मिथुन:** सुखु-गोजोनै थानो हागोन। फारफोमथिबो जौगानाय फैनो हागौं। मोजां सम।
- कर्कट:** मावा मोनसे मुवा हानि जानो हागौं। गोसोखौं सांथि मोन्याय नडा। लोरबां दाजा।
- सिंह:** बेफार-फालांगि मावनायाव रां मुलाम्फा खालामनो हागोन। दिनेनै साना मोजां।
- कन्या:** देहायाव सानाय-सुनाय सोमजिखानो हागौं। देहाखौं जोथनै लाखिनाया मोजां।
- तुला:** रांखावरि दोहोना बांलांगोन। फारफोमथिबो गोजोन्याय मोनगोन। मोजां दिन।
- वृश्चिक:** गोजोनै समखौं बार होनो हागोन। जेखि मावा गोजोन मोनगोन। मोजां सान।
- धनु:** रज सामलायनायाव गिनाय सोमजिखानो हागौं। गोसोखौं लोरबां लानो नाडा।
- मकर:** माबाफोर बेरामाव गोलेबायनो हागौं। देहाखौं सांथाडै लाखिनांगोन।
- कुम्भ:** जेरवखि मावा मावनो हागोन। फारफोमथिबो सुखुखौं मोनोन हागोन। मोजां।
- मीन:** जैबो सांथां जानानै थानांगोन। माबाफोर जेनाफ्राव गोलेबायनो हागौं। साबधान जा।

भगवान गनेशनि पुजाआ 10 सेप्टेम्बरनिफ्राय जागायगोन

गोदान दिल्ली, 5 सेप्टेम्बर: भगवान गनेशनि पुजाआ बे बोसोरनि 10 सेप्टेम्बरनिफ्राय जागोन। गोदो गोदायनि मानिना लानाय बादिब्ला भाद्रपद दाननि शुक्ल पक्षनि चतुर्थी तिथिनि सानाव भगवान गनेशाआ जोनोम जादौंमोन। बेनिखायनो बे सानखौं गनेश चतुर्थीनि महराव फालिनाय जायो। गनेश सिबियारिआ बे सानाव गणपति बाप्पानि मुसुखाफोरखौं न'फोरव आरो पान्ढालफोरव लाबोना दोनकैयो। फैनो गोनां 10 सानसिम गणपति बाप्पाखौं पुजा होनाय जायो। आसारखान्थिनि बादिब्ला अनन्त चतुर्दसनि सानाव भगवान गनेशनि मुसुखाखो गोथार दैमाफोराव फोजाव हरनाय जायो। हिन्दी फान्जामुथिनि बादिब्ला बे बोसोरनि गनेश चतुर्थीनि फोबौंआ 10 सेप्टेम्बरनिफ्राय जागायजेनगोन।



चतुर्थी तितिआ 10 सेप्टेम्बरनि साननि 12 रिंगा 18 मिनटनिफ्राय जागायजेनानै हरनि 10 रिगा 58 मिनटसिम जागोन। गनेश मुसुखाखो दोन्यायनि चतुर्थी तिथिआ फुरा सान जागोन। नाथाय गनेश मुसुखाखौं बायनाय समाव हाजौं बानायनाय मुसुखाखौं बायनांगौं। मानोना हाजौं बानायनाय गनेश मुसुखाखौं सुभ

मानिनांनै लानाय जायो। बिजौं लोगोसे मुषकनि सबांरीआबो थाफानांगौं। अनन्त चतुर्दशीनि सानआ गनेश उत्सबनि जोबथा सान जायो। 10 सानसिम सुबुंफोरा भगवान गनेशाखौं नेमखान्थि बायदियै फुजा होयो आरो बेनि उनाव फैनो गोनां बोसोराव थाबैनो फैफिनायनि आरज गाबनायजौं लोगोसे बिनि मुसुखाखौं फोजाव हरो।

हादतआव टिका थुनायनि अन्जिमाआ 68.37 कौटि बारबाय गागि नोगोरारिफोरनो नैथि ड्रप थुनायनि बिथोन



गोदान दिल्ली, 5 सेप्टेम्बर: मिरुआ दर 11 सा -सान्जा हाजोयारि राइज्योफोर आरो मिरुजौं खुंजानाय राइज्योफोरखौं 60 बोसोरनि बांसिन बैसोनि भैक्सिननि नैथि ड्रपखौं होजोबनायनि सायाव नोजोर होनो थिनो। मानोना बिसोरनि गेजेराव माखासे राइज्योफोराव टिका थुनायनि कभारेजआ थोजासे नडा। खौंरा एजेन्सि आइएएनएसनि रिपर्टनि बायदिब्ला गागि नोगोरारिफोरनाव करनानि गिनांगौया बांसिन जायो। बेनिखायनो बिसोरनो सिगां टिका थुनायनि सायाव बोलो होनाया गोनांथार होना सरकारा बुंदौं। मिरुयारि सावसि संकेटरि रजेश भुषणआ जम्मू-काश्मीर, लाहाव, उत्तराखण्ड आरो सा-सान्जानि राइज्योफोर जैर-अरुणचल प्रदेश, आसाम, मनिपुर, मेघालय, मिजराम, नागालेन्ड, सिक्किम आरो त्रिपुरानि राजधान्दौंफोरजौं लोगोसे जानाय जथुम्यायाव बे बाथ्राखौं बुडे।

बिफानिनि बायदिब्ला आसाम, मनिपुर, अरुणाचल प्रदेश, नागालेन्ड आरो मेघालयआव 60 बोसोरनिखुड बांसिन बैसोनि थागिबिफोरनि नैथि ड्रपनि टिका थुनाय हाबाफारिया थोजासे नडा। बेनि जथुम्यायाव राइज्योफोर आरो मिरुजौं खुंजानाय राइज्योफोराव 18 बोसोरनि बांसिन बैसोनि थागिबिफोरनो गिबि ड्रपनि कभारेजखौंनो बाययहोनो थिनो। बिफानिनि बायदिब्ला 0.5 मिलि सिरिजनि आद्रा थानाय स्यक ट्रांसजेन्डर सुबुंफोर, बेंगुर-बेंगुरि सुबुंफोर, केदिफोर, आइजोफोर, जर्'खायै गोबोयाव थानाय आरो आहार दौग्रा आइजोफोरनो टिका थुनाय कभारेजनि खेफोरथिनि सायावबो सावयनाय जायो। मख'नो गोनांदि, हादतआव दासिमाव 68.37 कौटिनिखुड बांसिन टिका थुनाय। बिसोरनि गेजेराव 52.38 कौटि गिबि आरो 15.99 कौटिआ नैथि ड्रप। बेनि गेजेराव थानाय शनिबारखालि 7 रिगासिमाव 62.25 लाख ड्रप थुनाय जायो।

जवाहरलाल नेहरु इडनिभासिटरिखौ 6 सेप्टेम्बरनिफ्राय खोलोम हिसाबै फिन खुलिगोन



गोदान दिल्ली, 5 सेप्टेम्बर: जवाहरलाल नेहरु इडनिभासिटरि (जेएनइड) आ बुंदौं गावनि परिषदआ 6 सेप्टेम्बरनिफ्राय खोलोम हिसाबै फिन खुलिगोन। परिषदआ गिबिआव पिपैसिडि सं दानगिरिफोरनि थाखाय खुलिगोन, जायफोरा बे बोसोरनि जोबथासिमाव गावनि सं दान्याय लाइखौं जमा खालामनांगौं। इडनिभासिटरिआ बुंदौं परिषदआव सौहैब्ला साफ्रामबो फरायसाफोरा हाबनायनि सिगां 72 घन्टा सिगांनि नेगेटिभ आरटि-

पिसारि आर आन्जाद नायजानाय रिपर्टखौं दिन्थिनांगोन। डा: भीमराव आम्बेडकार मिरु बिजाब-बाखिआव साखोन-सिखोन खालामनाय जागोन आरो बिजाब बाखिखौं फिन खुलिनायनि सिगां 50 जौखोन्दो गोहो थानाय रिडिं हलाव जिरायनायनि बेबस्था खालामनाय जागोन। इडनिभासिटरिआ बुंदौं मास्क गानाब्ला रावखौंनो परिषदआव हाबहोनाय जानाय नडा।

एप्रुभेल रेटिंआव गाहाय मन्थि मदिआ बयनिखुडबो जौसिनाव थादौं

गोदान दिल्ली, 5 सेप्टेम्बर: गाहाय मन्थि नरेन्द्र मदिआ गनायथिजानाय हारआव (एप्रुभेल रेटिं) आमेरिकानि हादतगिरि ज' बाइडेन आरो ब्रिटिशनि गाहाय मन्थि बरिस जनसनखौंनो उनाव दोनबाय। गाहाय मन्थि मदिनि गनायथि जानाय हारआ 70 जौखोन्दो। गोजौसिनाव थाखोनि सा 13 मुलुगनि दैदेनगिरिफोरनि गेजेराव बयनिखुडबो बांसिन गाहाय मन्थि मदिआ। दा मरिं कन्साल्टनि सार्भेयाव बे बाथ्राया सोरांआव फैदौं। थानाय 2 सेप्टेम्बरआव आपडेड खालामनाय बे सार्भेयाव भारतनि गाहाय मन्थिथया मुलुगनि माखासे गोबां हादतनि गाहाय बिबानगिरिफोरनिखुड सिगांसिनाव। गाहाय मन्थि मदिजौं लोगोसे बे फारिलाइयाव मेक्सिक'नि हादतगिरि आन्डे मेनुएल, इटालिनि गाहाय मन्थि मरियि द्राघी, जार्माननि चेन्सेलर एन्जेला मार्केल, आमेरिकानि हादतगिरि ज' बाइडेनजौं लोगोसे अस्ट्रेलियानि गाहाय मन्थि स्कट मौरिसन, कान्डानि गाहाय मन्थि ट्रुड' ब्रिटिशनि गाहाय मन्थि बरिस जनसन आरो ब्राजिलनि हादतगिरि जेर बल्सनेर बिथांमोनहाबो दडा।



सोलिफु बोसोरनि थानाय जुनआव फोसावनाय एप्रुभेल रेटिंजौं रुजुनायाव बे खेबआव गाहाय मन्थि मदिनि रेटिंआ साबसिन जादौं। मख'जाथावदि, जुन दानाव फोसावनाय एप्रुभेल रेटिंआव गाहाय मन्थि मदिनिआ 66 जौखोन्दोमोन। रिपर्टनि बादिब्ला स्वदीनि एप्रुभेल रेटिंआल' दावखोआखै, बिथानि डिसेएप्रुभेल रेटिंआबो दावखलायदौं। बे फारिलाइयाव गाहाय मन्थि मदिआ 25 जौखोन्दो दावखलायनायजौं बयनिखुडबो गाहायसिनाव थादौं। मरिं कन्साल्टनि ग्राफनि बादिब्ला गाहाय मन्थि मदिनि डिसेएप्रुभेल रेटिंआ करनानि नैथि दोहोनि समाव बयनिखुडबो जौसिनाव थादौंमोन। बे दानआ मे दानमोन, जेव्ला करनानि

हादतआव गाजियै गोहोम गोमलैदौंमोन। 2020 नि मे दाननि एप्रुभेल रेटिंआव गाहाय मन्थि मदिआ बयनिखुडबो बांसिन 80 जौखोन्दोआव दडमोन। थानाय 2 सेप्टेम्बराव सोराडाव फैन्याय रिपर्टनि बादिब्ला एप्रुभेल रेटिंआव जायगा आवगिनो हानाय माखासे दैदेनगिरिफोरनि रेटिंआ एरै-नरेन्द्र मदि 70 जौखोन्दो, लये अन्नेडार 64, मरियि द्राघी 63, एन्जेला मार्केल 53, ज' बाइडेन 48, स्कट मरिसन 48, जस्टिन ट्रुड' 45, बरिस जनसन 41, जेर' बल्सनेर 39, मुन जे इन 30, पेड्रु सानचेज 35, इमेनुएल मेक्रान 34 जौखोन्दो, यशिहिदे सुगा 25 जौखोन्दो।

गाहाय मन्थिनि जोनोम सानाव हादतनाडे 5 कौटि पस्ट कार्ड दैथाय हरगोन बिजेपिआ

गोदान दिल्ली, 5 सेप्टेम्बर: गाहाय मन्थि मदिनि जोनोम सानखौं बे खेबआव भारतीय जनता पार्टि (बिजेपि)आ जर्'खायै फालिनो थियारि खालामदौं। गाहाय मन्थिनि सुबुंफोरनो सिबिथाय होनाया 20 बोसोर फुरा जानायखौं सिनायथि होनो थाखाय बिजेपिआ 17 सेप्टेम्बरआव गाहाय मन्थिनि जोनोम सानाव 20 साननि सेवा और समपर्ण' अभियान जगायगोन, जेराव गुबुन गुबुन जौगाखां हाबाफारिफोर थागोन। मख'जाथावदि, 2014 आव गाहाय मन्थि बिबान आजावखानायनि उनाव बिजेपिआ बिथांनि जोनोम सानखौं, सेवा दिवस एबा सिबिथाय सान' महरै फालिबोदौं आरो फुरा से सत्ताहनि थाखाय हादतनाडेनो जौगाखां हाबाफारिफोरखौं खुंनोदौं। नाथाय बे खेबआव बे हाबाफारिखौं 20 सान खुंनाय

जोगोन, मानोना गाहाय मन्थि मदिनि गाहाय मन्थि बिबानाव थानाय बोसोरा फुरा जानोसे। बिजेपिनि आफादगिरि जेपि नडडाया पार्टीनि मावसुमाफोरखौं अभियाननि गेजेरजौं गहाम देहा आरो थै दान होग्रा खुलि खालामनो आरो निखावरिफोरनो रसन राना होनो बिथोन फोसावबाय। बिथाडा गासैबो राइज्योनि बिजेपिनि मावखुलिफोरखौं बुंदौंदि, बिसोरो बे हाबाफारियाव कभिड-19 नि नेमखान्थिखौं फालिनांगोन। जेपि नाडडाया पार्टिनि मावसुमाफोरखौं करना भैक्सिन थुनाय अभियानखौं साबसिनै जाफुंसारहोलांनो थाखाय कभिड-19 थुग्रा मिरुफोराव नायदिहैनोबो बुंदौंमोन। बे अभियाननि गेजेरजौं बिजेपिनि मावसुमाफोर महात्मा गान्धीनि जयन्ती एबा जोनोम सान 2 अक्टबरआव गिरिदर साफाइ अभियान

ऑंखारगोन आरो सुबुंफोरखौं खादि एबा जायगानि दिहुन्थायफोरखौं बाहायनो थाखायबो थुलुंगा होगोन। हादतनाडेनिफ्राय बिजेपिनि मावसुमाफोरा 5 कौटि पस्टकार्डबो दैथायहरगोन, जेराव मख'नाय थागोनदि, सुबुंफोरखौं सिबिनायनि थाखाय गावखौं बावसोमनो थानासिनो। फाटिया मावसुमाफोरखौं मदिआ मोन्याय अन्थोबफोरखौं निलाम होनो थाखाय फोसावदिनोबो बुंदौं। बे बादिनो बिजेपिनि आबादारि हान्जायाबो मदिनि जोनोम सानखौं हादतनि मोनफ्रोमबो जिल्लायाव किसान जवान सन्मान दिवस एबा आबादारि लाइमोन सन्मान सान महरै फालिगोन। बे हाबाफारिनि गेजेरजौं पार्टिआ सांथिफोर आरो आबादारिफोरनि नख'रफोरनो मान बावनानै बिसोरखौं बरायगोन।

रौमारिआव मुवा-बेसाद लाबोखोमानाय ट्राकजौं लोगोसे साथामखौं हमदौं

मुसलपुर, 5 सेप्टेम्बर: बाक्सा जिल्लानि मुसलपुर महकुमानि बरबरी थानानि सिडव थानाय रौमारिआव दिनै फुडाव सोमोनांथाव थासारिआव गंसे मुवा-बेसाद लाबोनाय ट्राकखौं बोखादौं। मिथिनो मोन्याय बादिब्ला, गुवाहाटीनि लखानिफ्राय थानाय 2 सेप्टेम्बरखालि इम्पलसिम एएस-25 इसि-1175 नम्बरनि ट्राकजौं गेलेमालनि मुवा-

बेसादखौं लानानै थादौंमोन। नाथाय सोमोनांथाव थासारिआव सालायगिरिआ बे ट्राकखौं गुवाहाटीनिफ्राय बाक्सा जिल्लासिम लाबोदौंमोन। जेराव दिनै फुडाव बाक्सा जिल्लानि रौमारिआव गारिखौं नुनानै राइजो-राजाफोरा सन्देह खालामना लाखिनानै लोगोनो लोकोनो बरबरी पुलिसनो खौर हरो। उनाव पुलिसआ जायगासिम नुजाथिफैनानै ट्राक

सालायगिरि साथामखौं हमो। सुलुडव सालायगिरि साथामआ फोरमायथिनाय बादिब्ला, गावसोरो माखासे जायगाफोरव गरिआव लाबोनाय गेलामालनि मुवा-बेसादफोरखौं फननानै फैदौं। बेयावनो बाक्सानि रौमारिआवबो मुवा-बेसादफोरखौं फान्नो लानायाव हमजायो। फासैंथि जाथायनि सोमोन्दै बरबरी पुलिसआ सिग्रोमबाय थादौंहोनानै सुलुडव मिथिनाय जादौं।

नों बर' सिख्ला

मिथिंगानि रै-रुब महर
लानानै सोरजिनाय समयना
बारफुनानै थानाय बिबार
नों लाइमोन बर' सिख्ला।
गोमो-गोथां दख'ना गाननानै
सिखिरि बादि बाहां बिरहां
गां फुवार -फुवार
फालि लानानै मोसाबायो।
गोसो नोजोर मुहिनानै
नोंनि बे थायनै मेगना
बे संसारखौं बावहोनानै
सिमानि मुलुगाव गोदोहोयो।
अखाफोर बायदि गावदां
नोंनि बे जारौ मोखांया
खोमसि अखांखौं स्रां
खालामनानै
आंनि गोसोखौं लामा
दिन्थियो।
रुम्बां खनाइआ नोंनि
साननि मोदाननायाव
जोंखलाबखाडो
नरें सु बायदि गन्थं नोंनि
गुस्थियाव लाजिस्तु
मिनिनाय।
मोज्जायबादि जान्जि नोंनि
आखाइ आव दैहु लाना
मद'-मद' आर्थि थायनैजों
मावनाय दांनायावबो नोंखौं
रावबो फेजेनहाया
हारिनि गेदेमा सिनायथिखौं
फोथायनानै लाखियो नों।
नाथाय जादोंसै दिनै
बेले-बेजे आसार खाथि
बोजबनो हमदों मालायनि
गाननाय जोमनायखौं।
दाखालायसै बिदि नों
गलाय गथाय थासारिखौं
फोथांफिनदो गावनि हारिनि
समायना हायनाश्री महरखौं।

श्री बलराम बर'
गामि-1 नं सापखायति
ला:सो:-उदालगुरी
जिल्ला-दर' बि.टि.सि

दायआ सोरनि

फागुन दाननि रानस्राव गोरान लामानि
दावबायारि बबेबा थारिखिनि
नाथाय सिनाया आं बैसिम सहैनायनि लामाखौं
मिथिगौ बेखौल' अरायबो मोजां लामाजों थानांगौ।
लामानि दुंबुद गोरान बारआ
बारलुनानै हाद्रि सारलांबाय आंनि मेगनाव,
आं एसेबो नायनो हायाखिसै
खाथि खालानि जिरादखौं नुनो मोनाखिसै।
आं जेब्ला आन्दायनानै थाबायबाय थायो,
सोरबा सिखिरि मानसिया आंखौं बोलांफायो,
आंदि बेसेबां गोजोनाय मोनदों
बेजोंनो सौहैफासिगोन साननानै
गोसोआव बायदि मिजिं लानानै।
रंजानायजों बेखौं सानफ्राडखे मोनदि
आं माबायदि लामाजों थादों।
गुमुरखौंनो मोनाखैमोनदि
आं सौथु लांबाय थादों,
दसे उनाव जेब्ला दैमा बारनो हमो
अब्लासो आंनि गोसोआ गिखाडो
दैजों मोखां सुसायोब्ला
गिलु बालु हायामा सिगांथिं नुहुरो।
थाबैनो गिदिंफिनो आं सिगांनि लामाथिं,
मोनहैफिनगोन आं गोजाम आगानखौं।
नाथाय बबेआव मोनबावगोन बारां' लानाय समखौं ?
बेनिथाखाय आं आंखौंनो
माबौरैहाय दायनिगिरि खालामनो
आंनि मोजां गात्रिखौं बिजिरनो
गुबुनखौं आं मानो हांखायनो ?

मुश्री गब्ला बसुमतारी।
कक्राझार।

निजोरा

आय' मा एसेबां मोजां
नों निजोरानि मुड
बोहैयो नों बबे जायगानिफ्राय
बोहैलांगोन नों बेसे गोजानाव।
बे बुहुम मिथिंगायाव
नॉल' नामा गोजोन सुदेम,
आय' निजोरा।
नोंनि जोंखोल महरखौं नुना
गोसो जायो आंहाबो
नोंजों लोगोसे बोहैफानो।
दुखु दाहानि गेजेरावबो
नों निजोराखौं नुयोब्ला
गोसोयाव रंजानाय फैयो।
नाथाय नुनो मोना नोंखौं
लैथोनि बिखायाव मोनहैब्ला।

मुश्री मिथिसार नार्जारी
गामि:-दाबंदफारा
जिल्ला:-सिरां।

रंजालि गथ 'फोरनि सौरा

निजोरा

जिरि-जिरि बोहैदों हने दैन निजोराया।
आंनि गोसो, गोरबोआ बेसे रंजाखादों
दैमा-दैसा, बिफां-लाइफां,
हाजो-हाला लारि-लारि
नायथाव बाथाव बेसे समयना।
मा एसे समयना।
मा एसे रमायना
जोंनि भारत मिथिंगायालाय,
निजोरानि दैमुनि दै
जिरि-जिरि बोहैदों।
आंनो नोंसोरनि जिउ।

थरायना- बिफला नार्जारी
थाखो-सिन
फरायसालि- केजिबिभि (गसाइगाव)
जिल्ला- कक्राझार (बिटिसि)

हुसियार!

हुसियारलै बाहायफोर
रोदि जयै मेलेरिया बेरामा
जाखांफिनब्ला जाल्लां जालायगोन
ओरेनोबा-
जिमिलिनि आउवासआ
हांगुं फैसालिनि सोलेराव
आइखां-बाइखां खालामलांबाय,
हेडालिनि हगरानाय रोजा गुलियाव
दालाइ गोराननि हुदुआ
खारखाड-खारसि जालांबाय
फागुननि जावलिना बारा
लाइमोननि गोबोंआव
रमानसिनि अर सुखालांबाय
दुखुथिया बर' सानि थिलियाव
जाखिसै एसिड अखा हालांबाय
दा बे बुब्लिया आनत्रायथ' बाय

मुश्री दैथुन गयारी।

बिबार बारि

बेरे सिखिरिया बिदै सोबदों।
बिबार बारि बारि,
नों जेब्ला गेवलां-गेवथां गेवलाडो,
अब्ला मानसिफोरा नोंखौं खानो गोसो जायो।
मानो नों एसेबां समयना,
गोमो गोथां गोजा गुफुर गाबनि बायदि।
मानो बारो नों बिबार ?
गेवला गेवथां नोंनि महरा,
फागोला जायो बेरे सिखिरिया
नोंनि गोदे बिदे सोबनो।
बोथोर सौफैब्लानो हारसिडै
ज्रयै सिरिलाडो नों बिबार।
नोंनाव मा मुहनि दं बिबार,
बे मुलुग संसाराव दान्दिसेनि
थाखायल' मानो बारफैयो नों बिबार।
बेरे सिखिरिया बिरबाय बिरबाय,
बिदे सोबो बिबार बारियाव।
सानसे साननै सोनिल' सम,
लानानै मानो बारफैयो नों,
बे मुलुग संसाराव बिबार।

थरायना- जनालि ब्रह्म
फरायसालि- केजिबिभि (गसाइगाव)
थाखो- डाइन

बर' विमानि गावखांनाय गोसा

सोर मिथिनो सोर खोनासो... ?
नोंनि गावनाय दाहाखौं
नों विमानि गावनायखौं
खोना संग्रा बाहागो लाफाग्रा रावबो गैया....!
नाथाय सहायहाया आंनि गोबोंया
सोबख'नाय नासयलायनाय
सुथुरनि इनाय खांथिखौं;
गोसो जायो बर' रायजोखौं रैखा खालामनो।
जारिमिन मोनथाइखौं लानानै
दाय गैयै सुबुंनि सायाव
इनाय अनागारियै बुथारलुंनाया-
बिमा माहारिखौं जिना हारि खालामनाया
थुलुंगा होबाय आंखौं बुहुमनि सुबुंफोरनो
बर' माहारिनो उदां सिखौं दिन्थिनो।
नंखाय नड फेलें थाड नों जोमोन होनाय
बोर सारसिनाय नोंनि बोहैग्लायनाय मोदैया
अब्लाबो आं सानो आयै आं फोथायो
नोंनि बे गावनाय दुखु दाहाया
थागोन सोरबा मोदे फुगार फाग्रा
थागोन सोरबा दाहा रुजुन फाग्रा।

दानसोरां बसुमतारी

मोनथिस 'हायै

बै मिथिस 'नो हायै मिथिंगायाव
आरो सानस' हायै अनजिमाया
सोरजिगिरिनि बे जारां सानाव
मा आखुनि रादाय दं बे बुहुमाव फैसालियाव।
मोनथि मोना मानोना दुखु-दाहा
आरो गेलेनाय मिनिनाय;
जिउनि आंगोनि बेसेबांबा सांथ
हायै बाश्रा आरो जिउ सोलेरनि
जोबनो गैयै रादाय।
आंगो सोलेरनि गिदिर रादायआबो
बेयो जादों थारैनो गोसोम गोजा
बाथगां लाइगां भुमनि हा जिरादहा थाखोबो दं।
माहारी जाथि थारैनो दावसा मोखेबयाबो बायदि थेबो
थे दुखु गोदोनायाव माब्ला बायदि गोदोनायावबो
सानबोलाबो बायदि आंनि जिउ सोलेरा
बे मिथिस' हायै मिथिंगायाव।

मिस समयना नार्जारी
गामि- गाग्रागुरी
जिला- कक्राझार बि टि सि (आसाम)।

हिमाचलनि माखासे जायगाफोरा दावबायनायनि थाखाय मोजां



गोदान दिल्ली, 5 सेप्टेम्बर: हिमाचल प्रदेशआ भारतनि बयनिखुइबो समयनासिन राइज्यो।
जेराव गोबां बिफां-लाइफांजों बुंफबना थानाय सोमखोर हाजोखौंबो नुनो मोन्नाय जायो
आरो बेखौं नायनो थाखाय गोबां सुबुंफोरा बेवहाय दावबाय फैयो। गोजोननायजों बुंफबना
थानाय धुटीनि थाखाय हिमाचलनि इन अफ बीट जायगाफोराव दावबाय हैनो हागोन।



1. हिमाचल प्रदेशनि चाम्बा जिल्लायाव थानाय पांगी बेलिया गोबां समयना। जाय
लैथोमनिफ्राय 7 हजार फुटनिफ्राय 11 हजार फुटसिम गोजोआव दं। पांगी भेलिआव
सुरज हुदान, परमार आरो साइचु बादि माखासे हायेनफोर दं। जेराव गोबां गामिफोर दं। बे
हायेननि गेजेरजों चेनाब दैमाआ बोहैलाडो। पीर पन्जाल आरो जांस्कर रेन्जनि हाजोफोरा बे
भेलिनि समयनाखौं नै गुन खालामो। हाजोफोरखौं मोजां मोनोब्ला बे जायगाफोराव



दावबायहैनो हागोन।

2. पेरग्लाईडिनि थाखाय मुंदांखा वीर बिलिं आरो बरफ हायेननि गेजेराव राजगुन्ध गामि दं।
गोबां खम सुबुंफोरा बे जायगानि सोमोन्दै मोनथियो। धौलाधार हाजो थिखिनिफोरजों
बुंफबना थानाय बे जायगासिम सौहैनो थाखाय बिलिंनिफ्राय 14 कि:मि: ट्रेक खालाम
नांगोन। नाथाय जुदि ट्रेकिंखौं मोजां मोनोब्ला बरतसिम बासजों दावबायनो हागोन।
जेरावनिफ्राय बे गामिनि जान्थाया 6-8 कि:मि:

3. सेन्ज भेलिआ कुल्लुनिफ्राय 45 कि:मि: गोजानाव दं। बेनि सोमोन्दै गोबां खम
सुबुंफोरा मोनथियो। सेन्ज भेलिआ समयना हाजोफोर आरो हाग्राबारिजों बेंखन जानाय।
गोगो आबहावाआव गोजोनयै रंजा खुसि खालामनो थाखाय बे जायगाया मोजांसिन।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

बिटिसि सोलोंथाय बिफाननि बान्जायनायाव 60 थि फोरोंगिरि सान फालिदों

हाबाफारिआव गाहाय आलासि महरै आसाम बिधान सभानि बुंथिगिरि बिस्वजित दैमारि, बिटिआरनि गाहाय मावफुं सोद्रोमा प्रमद बर', गुवाहाटी आइआइटि आरो कक्राझार सिआइटिनि डिरेक्टर प्रफेसार टिंजि सित्तारमन, सान्जा कक्राझार बिधान सभा बियाबनि एमएलए लरेन्स इसलारि, बिटिआरनि मावफुं सोद्रोमाफोर-रेखरेवा नार्जारि, रन्जित बसुमतारि, उखिल मोसाहारि, अरुप कुमार दे, बिटिसिनि प्रिन्सिपाल सेक्रेटारि, कक्राझार जिल्लानि जिल्ला बेंगिरि बर्नाली डेका, एमसिएलए माधव शेन्त्रि, दुलारय बर' फरायसा आफादनि आफादगिरि दिपेन बर', बिटिसि सोलोंथाय बिफाननि बिथोनगिरि जगदिश ब्रह्ममोनहा बाहागो लायो । मख 'नो गोनांदि, दिन्नैनि बे गोथार फोरोंगिरि साननि हाबाफारियावो सोलोंथाय आयदाखौ गावनि रेंगथिचों मोजा फोरोंथाय होनो हानायनि थाखाय बिनन्द स्वर्गियारिनो 2021 माइथायनि साबसिन फोरोंगिरि बान्था गथायनाय जायो ।

फोरोंगिरि सान फालिनाय हाबाफारिआव बाहागो लानानै आसाम बिधान सभानि बुंथिगिरि बिस्वजित दैमारिआ बुडे-फोरोंगिरि समाजआ राइज्पोआव सोलोंथायनि आवहावाखौ जौगाखांहोनो थाखाय गोब्राब खामानि मावनांगोन । गुन गोनां सोलोंथायखौ गोनांथि होनानै फरायसाफोरखौ गुन गोनां फोरोंथाय होनायाव गावसोरखौनो बाउसोमनो फोरोंगिरिफोरखौ बिथाड खवालायबावो ।

बेरफासँ बिटिआरनि गाहाय मावफुं सोद्रोमा प्रमद बर'आ हाबाफारिआव बाहागो लानानै बिटिसि खुंथाया सोलोंथाय बिथिंखौ जौगाखां होनो थाखाय सोलोंथाय खन्दोआव गोखोडे हाबा माववासिनो दइ । बिथाड बुंबावोदि, बिटिआर ओन्सोलाव थानाय भेन्सार फरायसालिफोरखौ गोखौनो प्रथिन्सिएलाइस्ट खालामनानै नांगोबादि फोरोंगिरिफोर थिसन्याय जागोन ।

दावराइ फाउन्डेसन एन जि अ आरो कारिगाव दालाइ एबसुनि

बान्जायनायाव समाजयारि सांग्रांथि हाबाफारि खुंदों

दिहुनजानाय बिस (डि पयजन) सावथुनखौ दिन्थिन्यायजों लोगोसे ओन्सोलनि राइजो-राजाफोरखौ लानानै मोनसे समाजयारि सांग्रांथि मेल खुंफुंनाय जादों । ओन्सोलनि खमैबो सा 200 सो खुबुंफोरनि बाहागो लानाय दिन्नैनि बे सावथुन दिन्थिफुंनाय आरो समाजयारि सांग्रांथि हाबाफारियाव गाहाय आलासि महरै बाहागो लायो बर' सावथुन मुलुगनि मुंदांखा फेरुला फावखुंगुर फैला जे बरगायारिजों लोगोसे माननि आलासि महरै बाहागो लायो कारिगाव तारं सेरफां थि सि डि सिनि मासिगिरि बुरबनिय मोसाहारि, कारिगाव दख'रा एबसुनि आफादगिरि जिमात नार्जारि, नेहाथारि सोमखोर बसुमतारि, दावराइ फाउन्डेसन एन जि अनि आफादगिरि असिन्त नार्जारि, नेहाथारि जयन्त नार्जारी, रां दोनथुमगिरि जनक कुमार नार्जारी, एन जि अनि गासै सोद्रोमाफोर आरो एन इउ एल एमनि प्रजेक्ट मेनेजार खोमदोम मुसाहारिआ । हाबाफारियाव बाहागो लानानै बिथां फैला जे बरगायारि आरो जयन्त नार्जारी बिथांमोनहा गावसिनि बिबुंथियाव आधिखालनि बर' समाजनि गेजेराव सोलिफलेबाय थानाय लाइमोनफोरनि फेग्रा मुवा बाहायनाय बायदि समाज बेरेखा खामानिफोरखौ रायखानानै बेफोरनिफ्राय माबोर उदां जानो हायो आरो सांग्रांथि जानानै गोग्गो समाज दानो हायो, लोगोसे गोग्गो समाज दानो थाखाय राइजो-राजाफोर माबार्यादि सांग्रांथि जानांगो बेफोरनि बागै हाबाफारियाव बाहागो लानाय राइजो-राजाफोरनि सिगाडब बेसेन गोसा बोसोन बिबुंथि लाखियो । गुबैथै दानि इउन जोलै बर' लाइमोनफोरनि फेग्रा बेसाद, ड्रग्स बाहायनाय आरो समाज बेरेखा खामानि मावनायफोरखौ होवथानायनि गुबै थांखिजों बे बिस (डि पयजन) सावथुनखौ दिन्थिफुंनाय आरो समाजयारि सांग्रांथि हाबाफारिखौ लानाय जादों होन्नानै दावराइ फाउन्डेसन एन जि अनि नेहाथारि जयन्त नार्जारिआ रदाव बिबुंसारनि गेजेरजों फोरमायहरदों ।

सरायबिलाव दिन्नै गुबुन गुबुन राजखान्थि हान्जा

सोद्रोमाफोरा बि जे पि हान्जाआव हाबहैदों

सरायबिलनि गायदे-हेलेना कमिउनिटि न'ब्लांआव सरायबिल खोन्देनि बानजायनायाव मोनसे हाबाफारि खुंनाय जायो । बे हाबाफारियाव गाहाय आलासि महरै बाहागो लादोंमोन बि जे पि राजखान्थि दोलोनि कक्राझार जिल्लानि आफादगिरि बिबुंथि बरगायारी,लेंडइ आफादगिरि उडलियाम नार्जारी, गाहाइ नेहाथारी बिदासागर बसुमतारी आरो सरायबिल खोन्दे बिजेपि दोलोनि आफादगिरि-नेहातारीजों लोगोसे दोलोनि गोबां दैदेनगिरिफोराबो बाहागो लादोंमोन । मख 'नो गोनांदि बे हाबाफारिनि गेजेरजों गुबुन गुबुन राजखान्थि हान्जानि गासै सा 300 निबो बांसिन सुबुंफोरा बि जे पि दोलोआव हाबहैयो । बे हाबाफारियाव बाहागो लानानै खौरंगिरिफोरनि सिगांघाव उडलियाम नार्जारी बुडेदि, सिगांनि समफोराव जॉनि राइजो-राजाफोरा बिजेपि दोलोखौ हेफाजाब होनायखौ बारा नुनो मोननाय जायाखेमोन नाथाय आधिखालाव सानफा-एफा बिजेपि सरखारा राइजो-राजाफोरनि थाखाय मावबोनाय खामानि आरो बायदि बायदि बिथांखिफोर गायसन्नायखौ नुनानै गुबुन गुबुन हारि-माहारिनि राइजो-राजाफोरा बिजेपि दोलोखौ मोजां मोननानै, बिजेपि दोलोआव थानानै हाबा माववो गोरबहैदों आरो बेयो जोबोद मोजांनि खौरां, मानोना मिर, रायजो आरो बिटिसिआवबो बिजेपिआ सरकार महरै दं । बेनिखायवो जॉं बयबो बिजेपि सरखारजॉं गोरबनानै हाबा मावलांनंगोन आरो थारोने बिजेपि सरकारा गासैखौबो समान नोजोरजॉं नायगोन आरो बेजॉं लोगोसे खुंफुंनो गोनां उका बिसायख 'थियाव 28 नं गसाइगाव बियाबाव इडपिएल एबा बिजेपि दोलोनि जायखिजाया बिजाथि होया मानो बेनि देरहासात जानाया रोखाखा होनना बुंथियो ।

उदालगुरि जिल्लानि पानेरिआव 60 थि फोरोंगिरि सान खुंदों

बसुमतारीआ भारतनि बारग' हादोरगिरि उ सवर्पल्लि राधा कृष्णण बिथानि सोलोंथाइ फासँ मख 'जाथाव बिहोमा होनायजों लोगोसे फोरोंगिरिफोरानोजे माहारि दाफुंग्रा आरो हादोर जौगाखानायनि सायाव थोजासे बोसोन होदोंब्लाबो दिन्नैसिम गुबुन गुबुन जौगाखां हादोरफोरजों जुजिनो हायाखै । बिथाड बुंबावोदि बि टि सि ओन्सोलाव गुदि आरो गेजेर फरायसालिफोराव टेउ उथ्रिसारनाय बिजाथिफोरखौ थिसन्यायनि राहा लादोंमोनब्लाबो टेउ उथ्रिसारनाय बिजाथिफोरा आयेन-आदालतनि खाथियाव गसर थिसन्यायनि थाखाय खामानि मावनायाव हँथा सोमजिदों होन्नानै रोखायै फोस्मायथिदों । गुबुन फासँथिं पानेरि गोजौसिन फरायसालिनि फरायसुला-फरायसुलिफोरा खौसे गाराडेनो देखेंगे रोजाबनायनि उनाव मेलनि बराय बिबुंथिखौ होयो फरायसालिनि गोरयुं हेमन्त तालुकदारआ । बेजों लोगोसेनो बि टि सिनि मावफुं सोद्रोमा उ निलुत स्वरगियारी, तंला फरायसालिमानि गोरयुं उ प्रसेन दैमारी, बि टि नि एम सि एल ए सन्जय स्वरगियारी, हरिसंगा गोजौसिन फरायसालिनि गोरयुं स्वर्नलता दैमारीमोनजों लोगोसे दिन्नैनि बे हाबाफारियाव सा 12 फोरोंगिरिफोरखौ मान बाउनाय जायो आरो सा 196 आजिग मोन्नाय फोरोंगिरिफोरनो राधा कृष्णण देबनि सावगारि आरो गोसोखां बिलाइजों लोगोसे बर' माहारिनि आर'नाइ गानहोनानै मान बाउनाय जायो । मख 'नो गोनांदि दिन्नैनि बे 60 थि फोरोंगिरि सानखौ लोब्बा लाखिनानै उदालगुरि जिल्लानि सिडब थानाय फरायसुला-फरायसुलिफोरा गाव-गावनि हारिनि हारिमुखौ दिन्थिफुंनायजों लोगोसे भारतनि बारग' हादोरगिरिनि सावगारियाव आलारि बाथि फोजेनानै मान बाउवो । गुबुन फासँथिं उदालगुरि जिल्लानि कलाइगाव दखरा फरायसा आफादनि बान्जायनायाव फोरोंगिरि सानखौ फालिनाय जायो । बेबायदिन्नैनो बाक्सा जिल्लानि सदर मुसलपुरनि साखाथियाव थानाय नारायनपुरआवबो रज्योयारि गामियारि जिबिका बिथांखिनि आरो आदर्श क्लास्टर फेडरेसननि जुथायै बान्जायनायाव फोरोंगिरि सानखौ फालिनाय जायो । रितिका हालैनि आफादगिरि मासि सामब्लायनायाव खुंफुंनाय बे हाबाफारियाव रज्योयारि गामियारि जिबिका बिथांखिनि बिथांथि बिबानगिरि पामि ब्रह्मआ बेसेन गोना बिबुंथि लाखियो ।

लाभलिना बरागाइखौ सोलोंथाय बिफानआ ब्रेन्ड एम्बाचाउर महरैथिसनबाय

सर्वपल्ली राधाकृष्णननि जोनोम सानखौ लोब्बा लानानै दिन्नै फोरोंगिरि सान खुंफुंनाय जादों । बे आयदायाववो फोरोंगिरि साननि गोथार अक्टआवनो बावैसो दान सिगां खुंफुंजालांनय टकिय अलिम्पिकआव हादरनि जानानै ब्रन्जनि मेडल देरहायवा लाभलिना बरागाइखौ आसामनि गासै सोलोंथाय आयदानि ब्रेन्ड एम्बाचाउर महरै थिसन्यायनि बाथ्राखौ आसामनि सोलोंथाय मन्थि रुज पेगुआ दिन्नै फोसावनानै होयो । जेराव हिन्जावसाफोरखौ सोलोंथायनि बिथिडव सिगांलांहोनयनि थाखाय बे थांखिखौ लादों होन्नानै सोलोंथाय बिफानआ फोस्मायथिदों । लोगोसे गंग्रोमबो सोलोंथाय फसंथानफोराव बारग' फरायसा आफाद दाफुंनाय आयदाखौ सोलोंथाय मन्थि उ पनुज पेगुआ बुंथिदों । गुबुन फासँ दिन्नै 60 थि फोरोंगिरि सानजों लोब्बा लानानै आसाम सरकारनि सोलोंथाय बिफाननि बान्जायनायाव गुवाहाटीनि श्रीमन्त शंकरदेब हारिमायारि जथुमसालिआव खुंफुंनाय फोरोंगिरि सानआव राइज्योनि सा 36 फोरोंगिरिफोरनो राइज्योयारि बान्था गथायनानै होयो । बेनिनो हाबाफारि बायिथै साब्रै फोरोंगिरिफोरनो गथायनानै होदों । लोगोसे बिबुंगोरा ताबुराम ताइदोन 2018 माइथायनि आनन्दराम बरुवा बान्थाखौ गथायनाय जायो । मख 'नो गोनांदि, दिन्नैनि बे हाबाफारिआवनो गांनै गोसोखां लाइसि सिक्षान्यति आरो कामरुपायनखौ बेखेवनाय जादों ।

फेसबुकआव हादर बेरेखा पस्ट होनानै सासे हमजादों

जादों । लोगोसेनो पुपुलार फ्रन्ट अफ इन्डियानि सोद्रोमा होन्नानैबो मिबथिनाय जादों । सालबारिनि भकुवामारिनि थागिरि रफिकुल इस्लामख फेसबुकआव गोबां हादर बिग्रायारि हँथा अजद गोनां पस्ट होबोबाय थादोंमोन । बे आयदायाववो थानाय हरआव सालबारि पुलिसआ रफिकुलखौ हमो । मख 'नो गोनांदि, सालबारि पुलिस बादायाव 69/2021 नम्बरआव के स थिसन्यानै इउएस/124(ए)/153(ए)/153(बि)/298/505 आइपिसि आर/डब्लउ सेक्सन 66-एफ आइटि एकटनि सिडब सालबारि पुलिसआ दायनिगिरिखौ हमो । आधिखालाव सालबारि पुलिस बादायाव रफिकुल इस्लामखौ सॉलु सॉनानै बाक्सा जिल्लानि सदर मुसलपुरसिम लाबोयो ।

2014 माइथायाव हारियारि दाड-बाजि

सोमजिनायाव जिउ गोमानाय नख 'फोराव ए

बि एम सुआ खौरां लाहैदों

2014 माइथायाव हारियारि दाड-बाजियाव जिउ गोमानाय जामालउदिन खन्दिकर आरो युसुफ आलि मुनि सानै सुबुंनि नखराव बे हान्जाया नुजाथिहैनानै नखरनि थासारिनि सायाव खौरां लाहैयो । नुजाथियाय हान्जाया गंनै नखरफोरनो बि टि सि सरकारनिफ्राय अन्ध्यायारि अन्सुंथाय होयैनि थाखाय बि टि सि खुंथायनि सायाव गोथै दुखु फोस्मायनायजों लोगोसे निन्दा होयो । बि टि सि सरकार 17 बोसोरसिमहालागै बाडय सुबुं सानखोनि सायाव जौगाखानायनि फासँ बिमा बाथुलनि नोजोर होनायनि थाखाय दिन्नैसिम समाजारि-रंखांन्थि बिथिडव जौगाखांनो हायाखै होन्नानै गोखोडे अजद देखंदों ए बि एम सुनि मिर आफादनि आफादगिरि आस्त्राफुल इस्लामआ ।

फोरोंगिरिफोरखौ मेलेमजिबि होनालासेनो रेंगौथि गोनां होन्नानैसो मख 'नाया गाहामः दिपामनि बैस्य

जिल्ला बेंगिरि खनिन्द्र दासआ आलारि बाथि फोजेनानै हाबाफारिखौ बेखेवनानै होयो । बे हाबाफारियाव गाहाय आलासि महरै बाहागो लानानै बिजनी फरायसालिमानि गोरयुं बिरजगिरि बसुमतारीआ गावनि बिबुंथियाव बुडेदि फोरोंगिरिफोरा फरायसाफोरनो थाखोआवल' फोरुडलासेनो समाज फोसाबनायाव थोजासे बिहोमा होलांबाय थाबोदों होन्नानै बुडे । बिथाड बुंबावोदि फरायसाफोरखौ सोलोंथाइ होनायावल' थाद 'याजासेनो समाज-रंखांन्थि जौगाखां होनायाव फोरोंगिरिफोरा गामियारि ओन्सोलाव नांगो रोखोमनि सुबरन्थाय होनानै निखावरि नखरनि उन्दै गथ 'साफोरखौबो सोलोंथाइनि फासँ थुलुंगा होनाया फोरोंगिरिफोरनि गाहाय मावबिबान होन्नानै मख 'देरबोवो । गुबुन फासँथिं एडिसनेल जिल्ला बेंगिरि दासआ गावनि बेसेन गोसा बिबुंथिनि गेजेरजों बुडेदि फरायसुला-फरायसुलिफोरा बुजिनो हानाय बायदिन्नै बोसोफ्रोमबो फोरोंगिरिफोरा उन्दै गथ 'साफोरनि उन्दुहाबाननै थानाय ज्ञानखौ फोजाखांनो जेब्लायबो नाजानांगौ होन्नानै मख 'यो । बिथाड बुंबावोदि फोरोंगिरिफोरा फरायसाफोरखौ फोरोंनायाव एबा ज्ञान होनायाव जैरबायदि खस्ट खालामो बेयो रुजुजाथावै । बेराफासँथिं बड'लेण्ड मुलुगसोलोंसालिनि बिबुंगिरि दिपामनि बैस्यआ गावनि बिबुंथियाव बुडेदि सोलोंथाया गोसोनि मोनसे थुलुंगाखांनय आरो गोसोनि सान्यायजों आरो हास्थानयायजों गोरबहैयो जायनि गेजेरजों सासे फरायसुला एबा फरायसुलिआ जिउ जाफुंसारहोनो हायो । बिथाड बुंबावोदि फोरोंगिरिफोरखौ मेलेमजिबि होनालासेनो रेंगौथि गोनां होन्नानैसो मख 'नाया गाहाम होन्नानै बुडे । बे हाबाफारिनि गेजेरजों गासै सा 92 आजिग मोन्नाय फोरोंगिरिफोरखौबो बरायनानै मान बाउवो ।

कक्राझार जिल्ला एबसुआ फोरोंगिरि साननि हामब्लायथि हरदों

गेजेरजों गावसिनि रेंगथिखौ फरायसाफोरनो लोगोसेनो सुबुं माहारिनो फोरोंथाय होदों । दुलारय बर' फरायसा आफादआ सुलुडव फोरमायबावदोंदि, आफादनि मावथांखि बायिथै गुबुन गुबुन बिथिडव बर' माहारिखौ बुहुमाव गेरमसा हारि दानो हानायनि थांखि आरो नोजोरजों मोनफ्रोमबो बिथिनि हाबाफारि लानाय जादों । मानोना मोनसे हारिखौ सिनायथि होनोब्ला बे हारिआ गावसोरनि राव, थुनलाइ, हारिमु, रंखांन्थि, राजखान्थि आरो आबाद बिथिडव जौगासारनांगोन । लोगोसेनो बर' हारिआ बे बिथिंखौ जौगाहोनेब्ला फोरोंगिरिफोरजों लोगोसे समाजनि खायासे बिबानगिरिफोर, सान्थौगिरिफोर आरो राइजो-राजाफोरखौ खौसेथै हारि दानायनि फासँ खामानि मावलांनो नांगोन । जेराव गावनि आधिडव गसंनानै थानो साम्रोमबो सुबुडनो गुन गोनां सोलोंथाय मोन्नांगोन । बेनि थाखायनो एबसुआ नेमखान्थि आरो गुन गोनां सोलोंथायनि मावथांखि लानानै हाबा मावबोगासिनो आरो इयुनावबो मावलांबाय थागोन होन्नानै फोरमायहरदों ।

बेनिखायनो कक्राझार जिल्ला एबसुआ बायदि हाबाफारिखौ थियै मावफुंलांनो फोरोंगिरि सानखौ गुबुन गुबुन बोसोराव फालिनाय बादि बे खेबआवबो फरायसा आफादआ जिल्लानि सिडव थानाय गासै मोन 21 दख 'रा एबसुनि सिडव फोरोंगिरिफोरखौ मान बाउनायजों लोगोसे थुलुगाखां होनो हाबाफारि लादों होन्नानै मिथिहोहरदों ।

भवानीपुर आरो सरुपेटायाव फोरोंगिरि सान फालिदों

फरायसालिमा खुंथायारि आफादनि आफादगिरि धर्निधर तालुकदारनि आफादगिरि मासि सामलायनायाव खुंफुंजानाय गेवलां आरो मान बाउनाय मेलआव गुवाहाटी मुलुग सोलोंसालिनि आजिग मोन्नाय रिडार उ गिरिसि चन्द्र शर्माया गाहाय आलारिसि, बजालि फरायसालिमानि आजिग मोन्नाय बिबुंगोरा उ प्रनिता देवि, भवानीपुरनि सोलोंथायगिरि फारिये ऋदय कुमार चौधुरी, राजेन्द्रनाथ तालुकदार, सन्दी प्रसाद दासमोनहा आलासि महरै दिन्नैनि फोरोंगिरि साननि बुब्लियाव बेसेन गोसा बिबुंथि होयो । फरायसालिमानि गोरयुं, गागि लिरगिरि उ मुकुन्द शर्माया थांखिलाइ बराय बिबुंथि होयो । लोगोसे बिबुंगोरा उ सुमिरन शर्माया सामलायनाय मेलआव बिबुंगोराफोर खनिन्द्र तालुकदार, ताइजउदिन आहमेदमोनहाबो बिबुंथि होदों । मख 'नो गोनांदि, मेलआव भवानीपुर आन्सलिक फरायसालिमानिफ्राय गोरयुं उ मुकुन्द शर्माया सा 50 निबो बांसिन सोलोंथायगिरि, फोरोंगिरिफोरखौ मान बाउयो । गुबुन फासँ सरुपेटा साहित्य सभा भवनआवबो आसाम राइज्योयारि प्रथिन्सियेलाइस्ट फरायसालिनि आजिग मोन्नाय फोरोंगिरि-मावसुमा आफादनि सरुपेटा अन्सलिक आफादनि बान्जायनायावबो दिन्नै फोरोंगिरि सानखौ खुंफुंनाय जादों । बेयावनो फोरोंगिरि सानआव फरिफला बिरहोनाय, आलारि बाथि फोजेनानय, सर्वपल्ली राधाकृष्णनि सावगारिआव बिबार मान बाउनायजों लोगोसे खुंफुंजानाय मेलआव आजिग मोन्नाय राइज्योयारि बान्था मोन्नाय फोरोंगिरि रामकृष्ण तालुकदार, लंक्षेस्वर दासमोनहा फोरोंगिरि साननि बिबुंथि होदों । दिननाथ बर्मनआ बान्जायनाय गोथार फोरोंगिरि साननि हाबाफारिआव आजिग मोन्नाय साँनै फोरोंगिरि माधव पाटवारि आरो र्माकान्त दासमोनहा आलासि महरै नुजाथिफैदोंमोन ।

सिआइटिआव सान्थौगिरिफोरजों आसाम

बिधान सभानि बुंथिगिरिआ सावरायलायदों

बाहागो लादों । मिरुवारि कारिकरि सोलोंथाय फसंथान (सिआइटि) एबा ब्रजेन्द्र कुमार ब्रह्म गोसोखां जथुमसालिआव खुंफुंजानाय बाथ्रा सावरायलायनाय हाबाफारिआव खायासे सान्थौगिरिफोरा कक्राझार सहरखौ आदर्श सहर सोरजिना होनायनि थांखिखौ आजवाननै लानो खावलायो । मानोना कक्राझार जिल्लाय बिटिसिनि गाहाय राजथावनि होन्नानै फोस्मायथिदों । जेराव बिटिआर रादय खानायाव मुंसाइनायनि उनाव बड'लेण्डआव अराय समनि थाखाय गोजोन फैदों आरो आधिखालाव कक्राझार सहरखौ गोजोननि सहर महरै फोसावदों । बे आयदाखौ लानानैनो कक्राझार सहरखौ आदर्श सहर सोरजिनयनि बिथांखि लानो खावलायदों बे खुंफुंनाय हाबाफारिआव सान्थौगिरिफोरा । बेनि अनगाथै कक्राझार सहरजों नांजाबनानै थानाय रेलवे लामानि साखाथियाव अवारब्रिज लुफुंनयनि थाखाय बुंथिगिरि मुक्ति बिस्वजित दैमारिनि जोहै आसाम सरकारनििसिम खावलायहरदों । फासँथिं सरकारआ आधिखालाव जायखि-जाया रोखोमनि ड्रगसनि फालांगि, समाज बेरेखा खामानिफोरनि हँथायै सामलायनो पुलिस खुंथायनो बिबान होदोंब्लाबो कक्राझार सहरआव आधिखालावबो सामलायजायाखै होन्नानै मख 'दों । सान्थौगिरिफोरजों आसाम बिधान सभानि बुंथिगिरिआ सावरायलायनाय हाबाफारिआव गथ'सा अन्साय आफादनि आफादगिरि मुस्तिमा मालति रानी नार्जारिआबो माखासे गोनांथार आयदानि सायाव बिबुंथि होदों । दिन्नैनि बे हाबाफारियाववो कक्राझार जिल्लानि सान्थौगिरिफोरा बाथ्रा मख 'नाय आयदाफोरखौ आसाम सरकारनि नांजाबफा बिफाननि मन्थिफोरनो फोरमायथिनानै जेनाफोरखौ सुफुं होगोन होन्नानै बाथ्रा होदों बुंथिगिरि बिस्वजित दैमारिआ । बे सावरायलायनाय हाबाफारिआव सान्जा कक्राझार बियाबनि एमएलए लरेन्स इसलारि, बिटिआरनि मावफुं सोद्रोमा रेखरेवा नार्जारि, गणश्याम दास, धनन्जय बसुमतारि, कक्राझार जिल्लानि जिल्ला बेंगिरि बर्नाली डेका, जिल्लानि पुलिस बिबानगिरि बिजय प्रतिक कुमार तुबेमोनजों लोगोसे जिल्लानि गोबां सान्थौगिरिफोरा नुजाथिफैदोंमोन ।

सालाखाटि दख 'रा एबसुआ फोरोंगिरि सान फालिदों

कक्राझार, 5 सेप्टेम्बरः

कक्राझार जिल्ला एबसुनि बान्जायनायाव थानाय 12 आगस्टखालि जिल्लानि अनलाइन थुनलाइ बादायलायनायाव बाहागो लानानै थामथि मासि आवगिनाय मिच रिमि बसुमतारिनो सालाखाथि दख'रा दुलारय बर' फरायसा आफादआ मान बाउदों । सालाखाटि एबसुनि मावखुलिआव दिन्नै फोरोंगिरि सानजों लोब्बा लाखिनानै खुंफुंनाय मोनसे हाबाफारिआव कक्राझार जिल्ला दुलारय बर' फरायसा आफादनि आफादनि क्रिपेश दैमारिआ रिमि बसुमतारिनो बान्थाखौ गथायनानै होदों । मख 'नो गोनांदि, सालाखाटि गोजौ आरो गेजेर फरायसालिआव दिन्नै 5 सेप्टेम्बरखालि भारतनि बारग' हादरगिरि उ-



गोरयुं लक्षिमनाथ ब्रह्मआ नुजाथिफै नानै फोरोंगिरि साननि सायाव बेसेन गोसा बिबुंथि होयो । बे हाबाफारियाववो कक्राझार जिल्ला एबसुनि आफादगिरि क्रिपेश दैमारि आरो सोलोंथाय नेहाथारि जांगिला औवारिमोनहाबो बाहागो लानानै हाबाफारिखौ जाफुंसार होदों ।

9 सेप्टेम्बर आव फोरोंगिरि थिसन्यायनि फोसावलाइ फोसाव जागोन, डिजिटेल सोलोंथायनि सायाव गोनांथि होदों

गुवाहाटी, 5 सेप्टेम्बर: 'दिल्ली, कर्नाटक, महाराष्ट्र, राज्योंफोरनि बादि आसामनि फोरोंगिरिफोरआबो आधिखालाव स्मार्ट थासारि जासिगोन। जेराव फोरोंगिरिफोरखौ फोरोंथाय होनायनि सायाव नोजोर होदों आसामनि सोलोंथाय बिफानआ। लोगोसे आधिखालनिफ्राय डिजिटेल सोलोंथायनि सायाव गोनांथि होगोन राज्योंनि सोलोंथाय बिफानआ।' बेबादि बिबुंधिखौ शंकरदेव कलाक्षेत्रआव खुंफु जानाय फोरोंगिरि सानआव बाहागो लानानै सोलोंथाय मन्थि डा: रनुज पेगुआ बुडो। सोलोंथाय मन्थि पेगुआ डिजिटेल सोलोंथायनि बिथिडव फेगो सानफोरव बेखौ फोसावनाय जागोन आरो गोदान बिरोंदांमिन बाहयनाय जागोन होन्नानै मो मख'यो। बे



बिथिडव डिजिटेल सोलोंथायनि आयदायाव टटा इन्स्टिटुट अफ ससेल साइन्सा हेफाजाब होगोन आसामनि फोरोंगिरिफोरखौ। फरायसाफोर आरो फोरोंगिरिफोरनि हेफाजाबनि थाखाय गंफ्रोमबो फरायसालिआव डिजिटेल थाखो खथा आरो गंसे लेबरेटरी

फरायसाफोर बिबान दडा। बे बिथिडाव आसामनि फरायसालिफोरव सोलोंथाय लानानै मुलुगनि गुबुन गुबुन ओन्सोलाव फोरोंगिरि महेर खामनि मावनाय सुबुफोरखौ नागिरसनो सोलोंथाय बिफाननि बोसोनगिरि ननिगपाल महन्तखौ खवलायो सोलोंथाय मन्थिआ। गुबुन फासं सोलोंथाय खोन्दोआव फैगो 9 सेप्टेम्बरनिफ्राय सा 23 रोजा फोरोंगिरिफोरखौ थिसन्यायनि फोसावलाइ फोसावनाय जागोन। बेजों लोगोसे गासै 75 बोसोर आवुं जानाय गं 209 सोलोंथाय फसंथानफोरोनो गुदि विथा जौगाखांहोनायनि थाखाय 3 कौटि रं गथायनाय जागोन। लोगोसे गं 2005 सोलोंथाय फसंथानफोरनि थाखायबो 50 लाख रडै गथायनाय जागोन होन्नानै मख'दों।

गाहाम देहानि राहा

संखिखौ खम बिबानि जायोब्ला देहा सोलेराव माखासे जेंना जानो हागौ

गोदान दिल्ली, 5 सेप्टेम्बर: संखिनि अनगाथै जायखि जाया जाग्रा मुवानि स्वादआ आवुं जाया। जाग्रा आदारआव थि बिबानि संखि होयोब्ला जाग्रा आदारनि स्वादआ बांसिन जायो, लोगोसे देहा -सोलेरनि थाखायबो बान्जायथाव जायो। डाक्टरफोरनि बादिब्ला देहा सोलेराव संखिनि बिबानिआ समानथियै थाबाय थानाया गोनांथार। देहा-सोलेराव संखिनि बिबानिआ खम एबा बार जायोब्ला देहाया खहाबो जानो हागौ। सुबुफोर बुडोदि, जाग्रा आदारफोरव संखिखौ खम होनानै जानांगो नडाब्ला ब्लाड प्रेसारआ बारा जागोन। बेयो थारदि, जाग्रा आदारआव संखिखौ बांसिन होना जायोब्ला देहा-सेलेराव सडियामनि बिबानिआ गोवां जानो हमा ओरो ब्लाडप्रेसारआ हाइ जानो हमा। संखियाव मोन्नाय गाहाय गुदि मुवायानो जादों सडियाम। सडियामआ थं याव इलेक्ट्रोलाइटनि कन्सेन्ट्रेसनखौ खम खालामो आरो बांसिनै देहागोयो। बांद्राय संखि जायोब्ला देहा सोलेराव खहा जायो फारसेथि खम



जायोब्ला देहा सोलेराव बायदि रोखोमनि जेंना जानो हागौ। संखिखौ खम एबा बारा जायोब्ला मा जेंना जानो हागौ बेफोरो जाबाय- 1. संखिया ब्लाड प्रेसारखौ कन्ट्रल खालामो, देहा सोलेराव ब्लाड प्रेसारखौ सामलायना लाखिनो थाखाय थि बिबानि संखि एबा सडियाम जानाया गोनांथार, खम बिबानि संखि जायोब्ला देहा सोलेराव सडियामनि आंखाल जायो। सडियामनि आंखाल जायोब्ला ब्लाड प्रेसारआ खम जानो हमा। संखिखौ खम बिबानि जाबाय थायोब्ला हाट एटक्ट, स्ट्रक आरो बिखाजों लोब्बा थानाय जेंनाफोर सोमजिखनो हागौ। 2. खम बिबानि संखि जाबाय थायोब्ला देहा सोलेराव इन्सुलिन रेंजिस्टेन्सा बारायनायनि जेंना जानो हागौ। जेब्ला देहा सोलेराव सेल्स एबा जिबखि, हर्मन इन्सुलिननि सिग्नलनि फासं रिस्पन्स होयो अब्ला बेबादि जेंना जानायनि सन्देहा बांसिन जायो। बेनि जाहोनाव थैयाव सुगारनि बिबानिआ बांनो हमा, जाय टाइप 2 डायबिटीज आरो बिखानि बेरामनि जाहोन जानो हागौ। 3. सुगार गोनां बेरामफोरनि थाखाय संखिखौ खम जानाया हाट एटक्ट आरो स्ट्रकनि जाहोन जानो हागौ। टाइप 1 डायबिटीज आरो टाइप-2 डायबिटीज गोनां बेरामफोरनि थाखाय संखिखौ खम बिबानि जानाया देहा सेलेरनि थाखाय खेफोद गोनां जानो हागौ।

सुंद'सल'

श्री गिरि धर ब्रह्म

हिरिम्बा फपेसार

रोहो-रोहो आरो फिसाजो निजिराखौ लानानै आरो दाहोना, रुवाथि लानानै बियो नखरखौ मोजाडेनो खुडो। निजिरा नाजरीया फुनि 7 बाजिनाइ लोगो लोगोनो गावनि मेथाइ खन्नायखौ नागारनानै रुम सिंनिफ्राइ ओंखार बोयो। दिनै निजिरिया खुसिखौनो लाशरनो हायाखै। सानजा फेसालिनिफ्राइ नुजाबोनाइ सानाबो जारो महर लानानै ओंखार बोयो। मानो खुसि जादों गावबो सानछ'नो हायाखै। खुसि जोंनो बियो बिमरखौ बुडे। निजिरा- आयै! मैनाति- मा जाखो? निजिरा- आं दिनै स्कुलआव थानो बादो(मिनि खैरेये) : नोंनि गोसो (सिबाइ बिमाया फिसाजोखौ जेबो हेंथा होया) मानोना फिसाजोनि आखलखौ बिमया बारा शिक्षा लानाडाखै। उन्दैनिफ्रायनो बियो बयजोंबो बोखोनाइ जाबोदों। रावबो संग्रा खौबो बियो गोसो थोनोबो लाइ होया। : आयै! आंनो दिनै (नैजो) 200 रं हर, आं हा सेन्त गस्ला नांगो। : हा दा लांबानो जाबाइ। : दानो नांगो आयै। : मानो दानो नांथारगौ जाखो? (गुरैयै) : गाबोन लोगो जिमिया गावसिनि बिमा दैनाव आंखौ आलासि जानो लिंहरदों दिनैनो बावनो हाया। आखलजों महरजों एखे हाया जौवा। खानाइ रुमबां बां मेगन बेरस्रां। दामनाइ देनाइ मेथाय खन्नायावबो गावनि आन्ताखौ हासो गारो बियो! बिमाया फिसाजोखौ लानानै मादि गोदै सिमां नुदों सानस'हाया.....! दिनैसिम मैनातिनि फिछाइ थैनाइया बेसेबा गोबाव जालांबाय। नाथाय मा खालामनो...? मैनाति या रुपा, धोन समपुति जेबनो गैयाब्लाबो बिहा फिसा होवा रावबो गैया। बेनि सायाव निजिरियाबो हारसिडे ल'थार। बिमाया निजिराखौ दावदे बायदि दाव-दाव अनसो गारो। मैनाती नाजरीयाबो एल.पि. स्कुलनि गामियाव मेष्ट्रेस। फिसाइनि धोन-दौलद गांगानाइ न्व बांथि

बिनानाव? : नांनया नांगोमोन, दैज्जानि दाहोनाफ्राबो गलांजोबबाय। दा रावखौबो लाथयाखै। आइनाव सौहें आयाबो नआवोनो दडा हां खुनसेयै बुंनानै निजोरया बिजों बिदाय लानानै टावोनाव थानो ओंखार लाडे। बियो लामा लामा सानलाडोदि मानसिखौथ नायब्ला दाहोना थाग्रा बायदि नुवा। दाहोना.....? अबेसे दानि जुगाव लेखा रोडेफ्रासे बांसिन देदलाग्रा जाबाइ। बायदि सिना सानानै बियो टाउन फारसे थांगसिनो थायो। निजोरानि खोथा मोन्नानै संग्राया दात गोसो लानानै निजोरा मोनिन नआव हावहेयो। मैनाथिया नुनानै सिथार बनानै होयो। दसे उनाव साहा आरो गय लानानै होफैयो मैनाथिया। संग्राया बुंदोंमोन हा मानोथो चाहा। फु दुंनानै लाबोलाइबावखो? : लोंदो मैनातै फेनाय! (दसे उनाव मैनाथिआ सोडो) आंथ सिनायाखिसै, सोर जाखो? : आंखौ सिनाय खानाय नडाथ। आं दाहोनासो नांगो नामा सानानै सोनो फेंदों? : दाहोना.....? : ओ! : नों, ना सोर? : ओ! आंनो! बिबिनो बायदि बायदि सोंनया फिन्नायनि गेजेरजों बे संग्राया बिमिनावनो दाहोना थानायसै। बिथानि मुखनो जादों हिरिम्बा। दा मोनसे जानानै थान्बाय हिरिम्बाया निजोरा मोननाव दाहोना थानाया। सानसे खालि फु डाव निजोरया न्व सिबस्रांदोंमोन। बे समाव दाहोनाया हालेवहेदोंमोन। सिबै सिबै जेब्ला हिरिम्बानि खथायाव थाडो। अब्ला गांसै एम.ए.नि बिजाबआ खर सायाव नुजानानै दं। निजोरया बे बिजाबखौ हाखु-दाखु नायनायसै आरो नुनो मोनबावबाय बे बिजाब सिडाव गांसै बि.ए.पास जानायनि छरटि पिकेट। नामाआबो हिरिम्बाआनो। गोसो नांनानै निजिरया दसे गल गसंनानै थायो। उनाव नुफेजानो गिनानै हाखु-दाखु खरसा सिडाव आं

जोखोबनानै दोनफिनो। दिनै रुवाथीआबो नआव थान्दों। बिमायाबो खर सानाय मोन्दों होन्नानै उन्दुसोनानै दं। संनाइ-खावनाइ बिबाना निजिरानिनो दिनै हिरिम्बा दाहोनानो ओंखाम खुरनानै होनांगोआ बिनिनो बिबान। बियो मावदों आरो सान्दों। हिरिम्बायाथ असे दाहोना नडा? दिनै बिदिनो मालाइनाव दाहोना थानानै फराय बोनानै बि.ए.खौ पास खालामदों जानो हागौ। नाथय जॉनावदि गावखौ इसेबो लेखा रोडा होन्नानैसो लाफेदों। नडा नडा.....दिनै बे खाबुयावनो आं आं आदानाव सोंनानै लाथारगोन। बिदिनो बायदिसिना सानायनि गेजेरजों निजिरया ओंखाम ओंखिखौ फोमोन खानानै दुगैयै लोबै बिमानो ओंखाम खुरनानै हैयो। बिमाया खर सानानै दं। दसे उनाव हिरिम्बायाबो हाल हगार बोयो। दुगै खानानै गावनि एमाव जबाय थायो हिरिम्बाया। अब्ला दसे उनाव निजिरया ओंखाम खुरनानै हैदिनो हिरिम्बाखौ लिनानै लांयो। हिरिम्बाआ सिरियै फेनानै ओंखाम जाफैयो। नुनो मोनबाय निजिरया दिनै गावोन ओंखाम खुरनानै हैदों, नाथय गामा खालि बिदि ओंखाम खुरनानै होफेफाराखेमोन। आरो दिनैसिम निजिरया गावजों लोगोसे ओंखाम जाफा जाब फेराखेमोन। जेखि जाया हिरिम्बाया निजिरानाव सोदों- : रुवाथीयालाय बहाथो थान्दों? नों ओंखाम खुरनानै होलाय लायनो? : आदाया आं खुरनायखौ मुगे दों ओनदों? ओंखाइनो रुवाथीखौ सोदों? (पाल दानलांबाइ निजिरानि बाभ्राया) : नडा बिनानाव; मुगैयाखै! मानि रुवाथी थानानै नों मानोथो मावनो गोनां जाखो होन्ना नैसो सोदों दा! : आदाया रुवाथीखौ सानसे नुवाबानो बिखा खलाब खलाब मोनथारो नामा.....? : निजिरा नों मा बुनो सान्दों बिनानाव.....? मानि आं सोदोंसो? एन्से रागा बायदि बुडे हिरिम्बाया, अब्लासो सैथो बाभ्राखौ मिनि स्तुयै फिनो निजिरया। उनाव नुहरबाय हिरिम्बानि थोरसियाव ओंखाम गैला। हाखु-दाखु ओंखाम होफैयो निजिरया! : आदाया गांथि मोनाब्ला आं फंसे बाभ्रा सोंगोमोन.....! : मा बाभ्रा? मानो गांथि मोनो! सोंजाथावब्ला सोनो हागोन! : नों गांथि मोनोइ नडाथ? : अ'ह'! आं मोनोइ नडा! : खिन्थायाब्ला? : थार बाभ्राखौ नगौब्ला मानो खिन्थाया जानो निजिरा। : बिदिब्ला आं बुनोसै.....! : बुं.....! : आदाया बि.ए. पास। नडने? : थोर जाम्बो, सोर होना? आं लेखा लॉन्नाइ मोनब्ला मानोथो बिबिदि दाहोना थानांगोमोन। दखानफोर खुलिनानै जानो हागौमोना आं। क.ख. खौनो सिनाया आं, आरो बि.ए. लासिं सिं आं लाजियो। लेखानि बाभ्रा दासावराय आंजों। : आदाया आंखौ थारता होदों नडसे आं मेट्रिक पेलखाइ.....? : नों सो आंखौ थारता होदों! : नडा नोंसो आंखौ थारता होदों ना? आं लेखा रोडे-जाग्न्खाइ! : आंसो सोर खिन्थाया नोंनोलाइ बि.ए. पास होनानै? : आं नोंनि राइज्लाइनय मावनाय दानायवनो बि.ए. पास होन्नानै हमनो हादों आदा..... : मात्रै.....? : बेनि फोरमान खौबो आं दानो होनो हागौ आदा.....। नों आंखौ थगयादोंसो! : नों फोथाय निजिरा बिनानाव आं नोंखौ थगयाथै, नों आरो जेबो फोरमान होनो हानाय नडा! : हाभ्रा थ' आं? : अह'! हानाइ नडा, रावबो साल खुन्थायाव रोदा मोनफेरा बिनानाव.....! : बिदिब्ला आं बुनोसै। गांथि दामोन्! : हागौब्ला बुं बिनानाव.....! : आं दहाइ नोंनि खतायाव बि.ए. पास नि छरटिपिखेत खो नुजानानै थानाय नुनो मोनदों! : हिरिम्बाया सोमो नांनानै दसे निजिरानि मोखाडाव गल नाइबाय थायो; अब्ला निजिरया गावनि आर्थिनि मेगनखौ खेब मोखेब नानै बाइहायाव ओंखार लाडे। हिरिम्बाया मिनिस्लु जानानै गावबो आखाइ सुनानै गावनि खता सिडाव जिरायनानै थाहैयो। : नों आंखौ थगयाथो दा सान आदा! : निमाहा। होदो बिनानाव.....! आं नोंसोरखौ

आरएसएसखौ तालिबानजों रुजुनानै जाबेद आख्तरआ जेंनायाव बिनि सावथुनखौ हादतआव सोलिहोथैनि दाबि: बिजेपि

मुम्बाइ, 5 सेप्टेम्बर: आरएसएस आरो तालिबानखौ लानानै सावथुननि देंखोगिरि आरो लिरगिरि जाबेद आख्तरआ फुरायैनो जेंनायाव गोल्लेदों। बिजेपिया बिनि सायाव बाभ्राजों गागलोबो आरो जाबेदआ निमाहा बिनांगीनि दाबिबो दैखाडो। बिजेपिनि दैदेनगिरि राम कदमआ आख्तरआ आरएसएस आरो बि.ए.एच.पि.पि. तालिबानजों रुजुना बुंनया बिबुंधिनि थाखाय निमाहा बिना अब्लासिम बिनि सावथुनफोरखौ हादतआव दिन्थिनाय जानाय नडा। बिजेपिनि एमएलए आरो बुंधिगिरि राम कदमआ बुंदों, आरएसएसजों लोब्बा थानाय दैदेनगिरिफोरा सरकारनि केसआव गोर्जे थाखोआव दडा। बिसेर दैदेनगिरिया खुंथायनि धोरमखौ फालिनानै हादतखौ सालायदों जुदि बिसेरो तालिबान बादि जानायमोनब्ला जाबेद आख्तरआ बेबादि



बिबुंधि होनो मोनगोमोन नामा? बेबादि बिबुंधि होनायनि सिगां बियो सानानांगोमोनदि, बियो मोनसेयैनो सानग्रा सुबुफोर आधिखालाव सरकार सालायदों, राजखान्थियारि धोरमखौ फुरा खालामदों। जुदि बिसेरनि सानाय-हनायफोर तालिबाननि बायदि जानायमोनब्ला बिसेरो बेबादि बिबुंधि होनो मोनगोमोन नामा? बेनिफ्रायनो मिथिनो मोनोदि, बिनि बिबुंधि होनाया बेसेबां नंखाय। राम कदमआ बुंवावोदि, आख्तरआ बेबादि बिबुंधि होनानै हादतआव निखावरि सुबुफोरनि थाखाय हाबाफारि मावनाय

मानोब्ला.....? रुवाथियाबो नआव थानाय फेंथआखै। निजिरया साबसिनसो जाबाय। हिरिम्बा आरो निजिरया गोसो थोननाय नायनि मुंसे माला सुजुनो। हिरिम्बा दाहोनानि खाफाला जोंबाय। बियो एम. ए. डिग्रिखौबो लानो नाजानायसै! खाफलनि रिपनाइ ख'र सनाय बेरामजों बारा बारा नाखेब जानानै निजिरा बिमाया बे संसारखौ अरथनि थाखाय नागर लानायसै! सिबाय बिमा टैनाय समाव निजिरया इनायनो गावदोंमोन! हिरिम्बा दाहोनायाबो जोबोद दुख मोनदोंमोन फारसेथि खुसिनि लामाबो नुदुर दोंमोन। निजिरा आरो हिरिम्बा जों मोनसे गोसोनि जाबाय। आर अरायबो नागर लाइनो हाल। खाफलनि बाभ्रा हिरिम्बाया गमामायै निजिरानि आरो गावनि नाजा नायजों दिनैसिम एम.ए. डिग्रिखौ पास खालामनो हाबाय। लोगोसे ककराइर कलेजनि प्रपेसार साखि मोनबाय। निजिरा आरो बेनि धोन सम्पतिनिबो बिगोमा जानो हाबाय। बिबिनो हिरिम्बा दाहोनानि खाफाल गेवसरनानै आरो निजिराखौ हाबा खालामनानै ग्रे-ग्रे राइजो जानो हमायसै।

आफगानिस्तानाव खुंथायनि बिबानखौ लानानै दावराव-दावसि तालिबानजों हक्कानीजों दावराव-दावसियाव गुलि नानानै गनी बरादरआ जोखोम जादों

अखांमानि जिब बिगियानखौ सं दान्ना मोनसे जोन्थोर दिहुन्दों

काबुल, 5 सेप्टेम्बर : आफगानिस्तानखौ तालिबाना गावसिनि आखायाव लानाया 2 सप्ताह बारलानाया, नाथाय सरकार दानायखौ लानानै थि रहा लामाया दासिमबो नुजाथियाखै। आफगानिस्तानआव खुंथाय खुंनयनि मासिखौ लानानै तालिबान आरो हक्कानी नेटवार्क आ गावजों गावनो दावराव-दावसि जानानै दड। बेनि गेजेरावनो खौरं मोन्नाय जादोंदि, तालिबाननि लेडइ गायसनगिरि आब्दुला गनी बरादर आरो हक्कानी हान्जानि गेजेराव नांज्लायनाय जायो, जेराव गुलि गावलायनायबो जायो आफगानिस्ताननि वेबसाइट पन्जशीर अब्जाभरिनि रिपर्टनि बादिब्ला बे नांज्लायनायाव आब्दुल गनी बरादरआ जोखोम जादों। वुंनय जादोंदि, हक्कानी हान्जानि सोद्रोमाफोरानो गुलि गावदों। सुलुंनि बादिब्ला पन्जशीरनि आयदाखौ माबोरें सुखानो बेखौ लानानै अनास हक्कानी आरो मुल्ला बरादरनि सोद्रोमाफोरनि गेजेराव गनायज्लायनाय जायखैमोन, उनाव बे बांशायानो बांलानानै नांज्लायनायनि महर लायो आरो गुलि गावलायनाय जायो। हक्कानीनि गुलि गावनायाव मुल्ला बरादरआ



गोब्राब जोखोम जायो आरो बिखौ उनाव पाकिस्तानाव लाबोनानै फाहामथाय होनाय जायो। अदेबानि सुलुंआ गुलि गावलायनायखौ रोखा खालामाखै। फारसेथि नदानै एलायेन्सआबो दुइद खालामानानै बे जाथायखौ फोरमायदों। नदानै एलायेन्सआ बुदोंदि, बरादरआ तालिबानफोरा पन्जशीरआव दावहा नाडै आरो काबुलआव फैनयनि बाश्ना बुदोंमोन। बे बाश्नाखौ लानानै नांज्लायनायाव मुल्ला बरादरआ गोब्राब जोखोम जादों आरो बिखौ फाहामथाय होनो पाकिस्तानाव लानाया जाबाय। एलायेन्स काबुलआव तालिबाननि दैदेनगिरिफोरजों गावसिनि दावराव-दावसि जानायखौ

दिन्थिथिनि मिडियाखौ थांखिनानै बाश्ना बुदों। एलायेन्सआ बुदोंदि, खुंथायनि थाखाय बिसोरनि गेजेराव दावराव-दावसि जागासिनो। गुबुन फारसेथि हक्कानी नेटवार्क आरो तालिबाननि गेजेराव खुंथायखौ लानानै दावराव दावसि जाबाय थानायनि गेजेरावनो आफगानि बार्ग आइजो एमपि मरियाम सलेमानखिलआ दाबि दैखंडादोंदि, हक्कानी नेटवार्क आरो तालिबाननि गेजेराव मासिखौ लानानै दावराव-दावसिया जागायबाय। हक्कानी नेटवार्कनि दैदेनगिरि अनास हक्कानी आरो खलील हक्कानीआ तालिबाननि दैदेनगिरि मुल्ला बरादर आरो मुल्ला पाकुबजोंनि गेजेराव

दावराव-दावसि जादों। सलेमानखिलआ दुइद खालामाना फोरमायदोंदि, पाकिस्ताना मुल्ला बरादरखौ हादतनि दैदेनगिरि जाजानो लुबैयाखै। फारसेथि हक्कानी नेटवार्कआ सरकारव गिदिर बाहागो आरो रैखाथि मन्थिनि बिबानखौ दाबि खालामदों। अदेबानि तालिबाना बेफोरखौ होनो सानाखै। आफगानिस्ताननि खुंथायखौ लानानै हक्कानी आरो तालिबाननि गेजेराव दावराव-दावसि जाबाय थानायनि गेजेरावनो पाकिस्ताना आइएसआइनि चीफ लेफ्टिनेन्ट जेनेरेल फेज हामीदखौ काबुलआव दैथायहरदों। मानिना लानाय जादोंदि, आफगानिस्ताननि मोननै

हान्जानि गेजेराव जानाय दावराव-दावसिखौ सुखानो आरो आफगानआव सरकार दानायनि राहा लामा दिन्थिनो थाखाय पाकिस्तानआ आइएसआइनि सिफखौ दैथायहरदों। फारसेथि मुल्ला उमरनि फिसाज्जला मुल्ला याकुबआ गोहो गोरा तालिबाननि सान्थि आयगनि गाहाय बिबानखौ रुजुन्नो लुबैयो। मख 'जाथावदि तालिबाननि सरकारव बे बिबानखौ गोहो गोरसिन आरो सन्मान गोनांसिनि मानिना लानाय जायो। तालिबाननि राजखान्थियारि दैदेनगिरिफोरा हक्कानी नेटवार्कनो सरकारव जर'खा मासि होनो गनायखाबायमोन। जायनि जाहोनाव अनास हक्कानीनो काबुलआव दखल खालामानायनि उनावनो राजथावनिनि रैखाथिनि बिबानखौबो गथायदोंमोन। बे थांखिखौ लानानै मुल्ला याकुबआ गोबां रगा जोंदोंमोन आरो गोजो नैखौ फोरमायदोंमोन।



बंगलुरु, 5 सेप्टेम्बर: भारतीय बिगियान फंसंथान आरो भारतीय अखांमा सं दानगा फंसंथाननि सं दानगिरिफोरा गंसे सुबिदा गोनां, गावनो हाबाफारि मावनो हानाय आरो मडइउलार जोन्थोरखौ बानायदों, जाय फिसा फिसौ जिबफोरखौ जौगाखां होनायाव मदत होगोन। बे जोन्थोरनि मदतजों बिगियानगिरिआ अखांमायाव जिब बिगियानजों सोमोन्दो थानाय बाश्नाफोरखौ मोन्थिनो हागोन। बंगलुरुआव थानाय

आइआइएससिनि फ्र 1य फोसावनाय मोनसे प्रेंस बिबुंसारआव फोरमायदोंदि, एक्ट एस्ट्राटिकाआव दिन्थिनाय सं दानगायाव सं दानगा हान्जाआ स्परसारसिना पासच्युरि मुनि जिबानुखौ जौगाखां होनायनि सायाव नोजोर लाखिनाय आरो बेखौ थुलुंगाखां होनो थाखाय जोन्थोरखौ मा रोखोमै बाहाय नांगो बेखौ दिन्थिदों। बेवहाय फोरमायदोंदि, बे रोखोमनि जिबानुआ जेंना गोनां आबहावाआव मा रोखोमै हाबा

मावयो, बेखौ बुजिनो हानायाव इसरनि गेजेरजों थि खालामखानाय भारतनि गिबि सुवुं थानो हानाय अखांमा यान गगनायाननि सोमोन्दै मख 'जाथाव खौरंखौ मोन्नो हागोन। सं दानगायजों सोमोन्दो थानाय सं दानगिरिफोर आरो मेकनिकेल् इन्जिनियारि बिफननि लेडइ प्रपेसार कौशिक बिस्वनाथआ बुदों बेयो फुरायै सुबिदा गोनां जानांगोन, जाहाथे गुबुन सायाव सोनार नाड। बेनि अनगायै सरानसन्ना आनजादसालिनि बादि समान सामलाय जानाय थासरिखौ आसा खालामनो हायो। आइआइएससि आरो इसरनि हान्जानि गेजेरजों थियारि खालामनाय जोन्थोरव जिबानु जौगाखांनयनि सायाव नोजोर लाखिनो थाखाय एलइडि आरो फटयट सेन्सरदं। बेवहाय गुबुन गुबुन रोखोमनि बाहायनो थाखाय गुबुन गुबुन खथा दं आरो गंफ्रामबो खथानिफ्राय डटाखौ बुधमनानै रैखाथि गोनां खालामनाय जागोन।

पन्जशीरआव आफगानिस्ताननि दावहारुफोरा सा 700 तालिबानफोरखौ गावथारो, सा 600 खौ जोबथेना दोनो

माद्रास हाइकर्टआ मेडिकेल फरायसाफोरखौ 8 घन्टानि बारा खामानि मावहोयैनि बिथोन होदों

चेन्नाइ, 5 सेप्टेम्बर: माद्रास हाइकर्टआ मेडिकेल कलेज खुंथायखौ पस्ट ग्रेजुएट आरो इन्टर्नसिफ खालामबाय थानाय फरायसाफोरखौ 8 घन्टानि बारा खामानि मावहोयैनि बिथोन होदों। मानोना बे फरायसाफोरखौ मेडिकेल कलेज देहा फाहामसालियाव बेमारिफोरनि फहामथायनि थाखाय डिउटियाव थिसननाय जायो। गाहाय बिजिरगिरि सन्जीब आरो जास्टिस पिडि आदिके सदावालाआ बे बिथोनखौ डाक्टरस एससिएसन फर सभेल इक्भेलिटीनि गाहाय सेक्रेटारि डू जीआर खिन्नाथनि आर'ज लाइनि सायाव बिजिनानै होयो। बे आर'ज लाइयाव थानाय 2015 आव देहा फाहामथाय सोलेंथाय बिथोन



होग्रा मावख 'नि गेजेरजों फोसावनाय बिथोनमाखौ सेलेन्स होदोंमोन। बे बिथोनमायाव पस्ट ग्रेजुएट फरायसाफोर आरो आन्डर ग्रेजुएट इन्टर्नसिफ खालामबाय थानाय फरायसाफोरखौ सरकारि देहा फाहामसालिफोर आरो

मेडिकेल कलेज देहा फाहामसालियाव शिप्ट खालामनायाव 8-8 घन्टा खामानि मावहोनाय जायो। सर कारिनि फारसेनिफ्राय बिजिरसालियाव नुजाथियाव बुंथिगिरि पि मुथु कुमारआ बेनि सोमोन्दै बुडेदि,

बेयो सैथो बाश्ना करना बोथोराव डाक्टरफोरनिफ्राय 8 घन्टानिखुइ बांसिन सिबिथाय लानाय जादों। नाथाय बेबायदिया जेब्ताबो जाया। सरसन्ना थासारियाव 8 घन्टानि समखौ समाय सिमा महरै लाखिनाय जायो। सरकारि उकिलनि फिनायाव गोजोननानै पीठआ बुडो, इमारजेन्सि थासारियाव बिथोनखौ सिफायनो हागो। नाथाय बेबायदिया सरसन्ना महरै जानो नाडा। बे समाव पीठआ बुंभावदों, जाय देहा फाहामसालिफोराव स्टाफनि आंखाल सोलिगासिनो दड बिसोरनि सायाव नोजोर लाखिनांगो। बिथोनमा बायदिये खामानिया सोलिदों ना सोलियाखै बेखौ सम-सम नायबिजिनान्गो।

काबुल, 5 सेप्टेम्बर: आफगानिस्ताननि सा-सान्जा ओन्सोलाव पन्जशीर हायेनाव तालिबान हान्जा आरो रेसिस्टेन्स फर्स एबा होबथाया सान्थि हान्जाफोरनि गेजेराव गिखंथाव दावहा सोलिगासिनो दड। थांनाय माखासे साननिफ्रायनो सोलिनाय बु थाररल्लुनायनि गेजेरजों पन्जशीरनि दावहारुफोरजों सेलेन्स लानानै तालिबानआ गावसोरनि जिउखौ बावनाडो आरो बिसोरनि गासै सा 700 निखुइ बांसिन दावहारुफोरा गावथारजायो। पन्जशीरनि रेसिस्टेन्स फर्सफोरा दाबि देखोदि, थांनाय शनिबाखालि दावहायाव गासै सा 700 तालिबानफोरा थैयो आरो सा 600 गुबुनफोरखौ जोबथेना लाखिनाय जायो। बेनि सिगां पन्जशीरनि दैदेनगिरि अहमद मसुदआ बुदोंमोनदि, थैना नै थांगोन, नाथाय अब्लाबो गावथोनी गाव गथयनाय नड। पन्जशीर होबथाया आफादफोरनि शसेल मिडिया एकाउन्टनि



बायदिव्ला तालिबाननि दावहारुफोरा गोबां खहा जानायनि उनाव खारनो गोनां जायो। आधिखालाव जोबथेना लाखिजानायफोरा खारनो नाजागासिनो दड। नाथाय गासै ओन्सोलखौ बेखन्ना लाबाय होन्ना मसुदआ खौरं होदों।

हान्जानि अहमद मसुदआ पन्जशीरखौ तालिबाननि आखायनिफ्र 1य रैखा खालामनो समाय लादों। आफगाना माब्लाबबो गावनि मोन्नां गो मोन्थायफोरनि थाखाय जुजिनायखौ नागरनाय नडा। जेन्नाया अब्लासो जायो, जेब्ता जों गावसोरनि मोन्नां गो मोन्थायफोरनि थाखाय दावहा

नांनयखौ नागारो आरो जों जेब्ता मेडो। बेनि गेजेरजों मसुदआ तालिबाननि सायाव पन्जशीर ओन्सोलाव सुबुं थियारि जगायना होनायखौ होबथानायनि दाय जाबसिनदों। बिथाड इडएनखौ पन्जशीरआ सुबुंथियारि हेफाजाव होनायनि गनायथि होनो थाखाय तालिबाननि सायाव नारसिनो खाललायो।

सरकारा केन्सार, डायबिटिज आरो टिभिजों लोगोसे 39 था मुलिफोरनि बेसेनखौ कमायसिगोन

गोदान दिल्ली, 5 सेप्टेम्बर: गोनांथि जानाय मुलिफोरनि माहारियारि फारिलाइआव सोलायानानै मिरु सरकारा सरसन्नायै बाहायजाग्रा 39 था मुलिफोरनि बेसेनखौ खमायना होबाय। जाय मुलिफोरनि बेसेनाव खमायना होदों। बेयाव केन्सार होबथाया, डायबिटिज होबथाया, एन्टिभायरल, एन्टीबैक्टीरियल, एन्टिस्ट्रुभायरल, टिभि होबथाया मुलिफोरनि अनगायै गुबुन मुलिफोरबो दंफायो। जायफोरखौ कभिडनि फाहामथायाव बाहायनाय जायो। एनएलएम फारिलाइयाव

खामानि मावबाय थाग्रा जर'खागिरिफोरा 16 मुलिफोरखौ बे फारिलाइयाव बोखारना होयो। अदेबानि इन्डियान मेडिकेल रिसार्च काउन्सिल मुलिफोरनि बेसेनाव कन्ट्रल खालामनो थाखाय गोबाव समनिफ्रायनो खामानि मावगासिनो दड। मख 'नो गोनांदि, सरकारा गोनांथि जानाय मुलिफोरनि माहारियारि फारिलाइयाव सोदोंनो थाखाय खामानिखौ जागायदोंमोन, जायखौ 2015 आव मिथिहोयो आरो 2016 आव



सोलिहोयो। मुलिफोरनि सायाव अरायथा माहारियारि कमितिनो बे फारिलाइखौ

थियारि खालामनायनि खामानिखौ गथायदोंमोन आरो बिसोर बबे मुलिफोरा थोजासे

बिबानि आरो बबे एसे बिबानि बेखौ मिथिहोनांगोमोन। सावस्रियारि संदानग्रा बिफाननि सेक्रे टारि आरो आइएमआरनि गाहाय बिथोनगिरि बलराम भार्गबनि आफादगिरि जानाय कमिडि, नीति आयगनि गागि बिबानगिरिफोर सावस्रियारि सेक्रे टारि आरो फार्मास्युटिकेल बिफाननि सेक्रे टारिया गोनां नैथि कमितिनो फारिलाइखौ दैथाय हो। नैथि कमितिआ बबे मुलिफोरखौ के पनि सिडाव लाखिनाय जागोन बेखौ थि खालामो।

तालिबान खुंथायआव फैनयनि उनाव आफगानिस्ताननि टिभि चनेलफोराव सेल्फ सेन्सारसिफआ जागायबाय

काबुल, 5 सेप्टेम्बर: आफगानिस्तानआव तालिबानआ खुंथायाव फैनयनि उनाव टिभि सेनेलफोराव मोनसे गिदिर सोलायनाया फेबाय। बे सोलायनाया तालिबानखौ गिखानायनि जाहोनाव फेदों, बेबादिनि जाहोनावनो मिडियाआव हाबा माग्रा आयजोफोरनि थाखाय बेवहायनि दरजाआ बन्द जाबाय। बेराफासे टिभि सेनेलफोरा रमान्टिक सिरिआल आरो गुबुन गुबुन प्रग्राम दिन्थिनायखौ बन्द खालामबाय। आधिखालाव बेनि जायगाखौ धोरोगारि हाबाफारि आरो तालिबाननि मोन्थाय थानाय प्रग्रामआ लाबाय। तालिबानआ बे रोखोमनि जेबो फोरमान फोसावयाखै। नाथाय बे सेन्सारसिफखौ टिभि सेनेलफोरा गावनो लादों। तालिबानआ खुंथायाव फैनयनि उनाव टिभि सेनेलफोरा गोसो जानानै रमान्टिक फावथिना, सिरियालफोर आरो दैखोनि फोसावदि खालामनायखौ फुरायै बन्द खालामबाय। मख 'नो गोनांदि, तालिबानआ खनले खनले बुदोंदि, गावनि खुंथायाव आयजोफोरा हाबा मावनो हागोन आरो बिसोरो सरकारवबो बाहागो लानो हागोन। नाथाय मोगथाडरिआव तालिबाना बेनि सोमोन्दै दासिमबो जेबो थूंखि लायाखै। तालिबानआ बुंभावदोंदि, आयजोफोर आरो एसेल सुबुं अन्जिमाफोरा मोन्नाय मोन्थायफोरखौबो रैखाथि होगोन। नाथाय गुबुन फारसेथिजाय आफगान आयजोफोर आरो बेवहाय थाग्रा एसेल सुबुंफोरा विनि बाश्ना वुंनयखौ फोथायाखै। तालिबाननि बायदिव्ला आयजोफोरा इस्लाम आयेन बायदिये मोन्थायखौ मोन्नो हागोन। नाथाय बेयो मा जागोन बेखौ लानानैबो दासिमबो जेबो बाश्नाखौ मिथिनो मोन्नाय जायखै। आफगानिस्ताननि गिदिर मिडिया हाउस टल' निउजआबो तालिबानखौ नोजोर होनानै गिदिर सोलाय सोल' खालामदों। आधिखालाव बे सेनेलआव इनफटेनेन्ट प्रग्रामआ बन्द जादों। नाथाय बेवहाय आयजो एंकरफोरखौ फुरायै होबथायाखै। बे रोखोमै एरियाना निउजआबो आयजो एंकरफोरखौ फुरायै होबथायाखै। आफगानिस्तान रैडि टिभिआबो तालिबानआ खुंथायाव फैनयनि उनाव आयजो एंकरफोरखौ होबथाया। माखासे सेनेलफोरा दासिमबो वेट एन्ड वार्नि पलिसिखौ आजावना लादों।

जारागुरि-खासिबारिआव गं 30 बिसिना गोनां गंसे गुदि देहा फाहामसालिनि अन्थाइ खाम्फाखौ बेखेवदों

गसाइगाव, 5 सेप्टेम्बर: गसाइगाव महकुमानि सिडव थनाय जारागुरि-खासिबारिआव दिने बि टि सिनि गाहाय मावफुं सोद्रोमा प्रमद बर'आ सावखि बिफाननि मावफुं सोद्रोमा अरुप कु मार दे आरो रेव रेवा नार्जीहारीनि नुजाथिनायाव मोन 30 बिसिना गोनां गंसे गुदि देहा फाहामसालिनि अन्थाइ खाम्फाखौ बेखेवना होयो। बे मख'नाय देहा फाहामसालिखौ लुफुंनो थाखाय बि टि सि सरकार 1 कौटि रं बाहायनानै लुफुंनो थिरंथा लादों आरो बेनि अनगायैबो जारागुरि गुदि देहा फाहामसालि लुफुंनानयि थाखाय बि टि सि सरकार 30 लाख रं संक्सनखौ गनायथि होबाय



होन्नानै सावखि बिफाननि मावफुं सोद्रोमा अरुप कु मार देआ खौरंगिरिफोरनि सिगाडव फोरमायथिदों। बिथाडा

बुबावोदि गोबाव समनिफ्रायनो खासिबारि आरो नारागुरिनि गेजेराव देहा फाहामसालि गैयैनि थाखाय ओन्सोलाव थानाय

दुखुथिया गोरिब-गुन्द्राफोरा फाहामथायनि थाखाय गोबां जेनाजों मोगा-मोगि जाबोनादोंमोन नाथाय दिने प्रमद बर'दैदेनाय बि टि सि सरकार राइजो-राजाफोरा हास्थायनाय बायदि सुफुंनानै होनो सानफा-एफा नाजागसिनो दं होन्नानै खौरंगिरिफोरनि सिगाडव फोरमायो।

अबनी लेखराजों लोगोसे गुबुन शुटारफोराबो मिक्स 50 मिटार राइफल प्रनि फाइनालाव सौहैबाय



टकिय, 5 सेप्टेम्बर: टकिय पेरालिम्पिकनि जोबथा सानआव रावबो भारतयारि शुटारफोराबो मिक्स 50 मिटार राइफल प्रन एसएइस 1 नि थाखोआव फाइनालिनि थाखाय क्वालिफाइ जायखिसै। गलडेन गाल अबनी लेखरायाबो क्वालिफिकेसननि 28 थाखोआव थानानै फाइनालआव जायगा आवग्रिनो हायखिसै। सिद्धार्थ बाबुआ 617.2 पइन्ट लाखिनानै 9 थि राउन्डआव जायगा आवग्रिनो हादोंब्लाबो नाथाय 0.2 पइन्ट बाडाइ जानायनि थाखाय

क्वालिफाइ जानो हायखिसै। चीननि चाओ डों(617.4) आ बिथानिफ्राय 0.2 पइन्ट बांसिन मोन्नानै फाइनालिनि थाखाय क्वालिफाइ जानो हायो। 10 मिटार राइफलआव गलडेन 50 मिटार राइफल थि पजिसनआव ब्रन्ज मेडेल देरहानानै स्तर जानाय लेखराआ 612 पइन्टनि स्कर खालामनो हानायजों 28 थि जायगा आवग्रिनो हादों। 19 बोसोरनि अबनीआ सोलिफु बोसोरनि पेरालिम्पिकआव डेब्यु खालामनानै शुटिआव गलडे

मेडेल देरहाजेन्नाय भारतयारि गोखों गेलेगिरि। थामथि भारतयारि शुटार दिपकआ 602.2 स्करजों क्वालिफाइनि फारिआव 46 थि जायगायावसो थानो हादों। भारतयारि शुटारफोरा टकिय पेरालिम्पिकआव गं 2 गलडे मेडेलखौ लापानानै गं 5 मेडेलआव गावसोरनि मुं लाखिनानै भारतखौ मुलुगआव गोसारहोनों हानायजों लोगोसे बिसोरनि शुटि बादायलायनाया जोब्बाय लेखरानि अनगायै 19 बोसोरनि मनिष नरवालआ हौवाफोरनि 50 मिटार पिस्टल एसएइस 1 इभेन्टआव गलडे मेडेल आरो सिंहराज अडानाया 50 मिटार पिस्टल एसएइस इभेन्टआव सिलभार आरो 10 मिटार एयार पिस्टल एसएइस इभेन्टआव ब्रन्ज मेडेल देरहानो हादोंमोन।

कसुगावनि देमदेमा जियागुरि गामिनि राइजो-राजाफोरा मोजां दालां गैयैनि जेंनायाव गोग्लैनादों

गसाइगाव, 5 सेप्टेम्बर: गसाइगाव महकुमानि कसुगावनि देमदेमा जियागुरि गामिनि सेरजों बोहैलांनाय गंडिया दैसानि सायाव थानाय दालानि थासारिया गाज्रिजानानै दं। देमदेमा गामिनि थागिबि राइजो-राजाफोरा फोरमायनाय बादिबा थांनाय ई 2000 माइथाइयाव कसुगाव हाप्रा बिफाननिफ्राय दालां लुफुंनो थाखाय माखासे बिफां बिनानै राइजो-राजाफोरा खौसेयै गंसे दंफानि दालां लुफुंनो लादोंमोन। बे दालांआ गोबाव जोरैलाय उनाव बिटिसि सरकारनाव अनसुथाइ बिनानै फिन खेवसेबाव बेबायदिनो दंफानि दालांखौनो बानायना लाबावदोंमोन। नाथाइ बेबो नै बोसोरसोल' जोरनानै बे दालांजोंनो हानथा मेला खालामथार नांगो जानायलाय राइजो-राजाफोरा बोसोरफ्रोमबो खौसेयैनो औवानि दालां लुफुंनो लादोंमोन। नाथाइ बे दालाडबो



गंडिया दैसानि दैनि दाहारा बुखारनानै दिनदां खालामना दोनबाय। जाहोनाव बे देमदेमा जियागुरि ओनसोलनि राइजो-राजाफोरा खैफोद गोनाडै हानथिनो गोनां जादों। बे दालानि साजोंनो गोबां गामिफोरा थांलाय फैलाय खालामनो गोनां जायो गामिफोरा फारियै कसुगाव, सेखादानि, गाइदां बाजार, सुदेमफुर, जौगाफुर बायदि

बायदि। बेल'नड बे दालांआनो बे ओनसोलनि गुदि जानायलाइ फरायसाफोरा फरायसालियाव थांलाइ फैलाइ खालामनो आरो देहा फाहामसालियाव बेरामि लांनो आबाद फोथाराव आबाद मावहैनो, हाथाइ बाजारवा आबादरिफोरा आबाद फानहैनो बायदिनि जोबोद जेंनायाव गोलैनो गोनां जायो। बेनिखायनो कसुगाव देमदेमा जियागुरि ओनसोलनि रायजो राजाफोरा

आथिखालनि बिटिआर खुंथाइखौ थाबैनो बे गंडिया दैसायाव थानाय दालांखौ मोजायै बानायना होनो थाखाय खवलायहरदों मानोना बे दालांआ मोजां जायोबा रायजो राजाफोरजों लोगोसे गोबां फरायसाफोरा फरायसालि, फरायसालिमाफोराव थांलाय फैलाय खालामनो थाखाय सुबिदा जागोन होनना ओनसोलनि रायजो राजाफोरा फोरमायबावदों।

मदन महन शर्मानि गोसोखांथियाव हाफ माराथन खारनाय बादायलायनाय खुंदों

तामुलपुर, 5 सेप्टेम्बर: तामुलपुर जिल्लानि लाइमोन इड पि पि एलनि बान्जायनायाव गागि समाज सिबियारि एबा इड पि पि एल दोलीनि मुंदाखा बोसोनगिरि मदनमहन शर्मानि गोसोखांथियाव दिने फुंबिलि समाव हौवा आरो हिन्जावफोरनि गेजेराव मोनसे हाफ माराथन खारनाय बादायलायनायखौ खुंफुंनाय जायो। बे बादायलायनायखौ नाग्रिजुलिनि हाइलण्डनिफ्राय तामुलपुर मथंगापारसिम खारनाय माराथन बादायलायनायखौ बेखेवनानै होयो बि टि सिनि मावफुं सोद्रोमा दावबायसा बर'आ। हाबाफारिखौ बेखेवनानै बिथाड गावनि बिबुंथियाव बुडोदि बेबायदि बादायलायनायनि गेजेरजों बि टि सि ओन्सोलनि हौवा-हिन्जावसाफोरखौ थुलुंगाखांहोगोन आरो फैगौ सानफोराव बेबायदि दोहौआ थाबाय थायोब्ला गमा-मायैनो



बि टि सि ओन्सोलनि लाइमोन सेंग्रा सिखलाफोरा गेलेमु मुलुगाव आगान होनानै अलम्पिक, एसियायन गेम्स, कमनवेल्थ गेम्स बायदिफोराव बादायलायनायनै जाफुंसारनो हानायनि लामाखौ मोननो हागोन होन्नानै मिर्जिथियो। मख'नो गोनांदि दिनेनि बे हाफ माराथन खारनाय बादायलायनायव खेमबो 17 किल'मिटर खारनाय हाबाफारियाव सा 500 हौवा आरो सा 200 हिन्जावफ्रा

बाहागो लादों होन्नानै सुलुड फोरमायथिदों। दिनेनि बे हाफ माराथन बादायलायनायाव हौवाफोरनि बाहागोयाव अरबिन्द बर' (बराजल) सेथि बान्था, नैथियाव सन्जय दत्त (खैराबार), थामथियाम मनिगम बसुमतारी (सन्थला)आ थामथि जायगाखौ आवग्रिनो हायो। बे हाबाफारिखौ सामब्लायदोंमोन तामुलपुर जिल्ला इड पि पि एल नि आफादगिरि रमिअ'

स्वरगियारीआ। बिथांजों लोगोसे तामुलपुर जिल्ला इड पि पि एल नि बिपुल बसुमतारी, तामुलपुर टि सि एल सि सि नि मासिगिरि पबित्र नार्जारी, लाइमोन समाज सिबियारि समेस्वर बर'जों लोगोसे तामुलपुर इड पि पि एल नि आइजो गांखनि आफादगिरि कुन्ज' बसुमतारी आरो नेहाथारि माधबि स्वरगियारी मोनहा बाहागो लानानै हाबाफारिखौ जाफुंसार होयो।

टंला नोगोर आदर्श गुदि फरायसालिआव गोगो लोंग्रा दै टेंकिनि अन्थाय खुन्थिया गायसन्दों



माइथायावनो उथ्रिसारनानै ओं खारबोनाय बारग' फरायसाफोरा बे गोगो लोंग्रा दैनि टेंकिखौ फरायसालिनो अन्थोब होदों। जेराव फरायसाफोरजों लोगोसे साखाथिनि सुबुंफोरा खाबु मोन्याय बादियै गोगो लोंग्रा दैनि

जगायथायखौ मोन्नो हायो। गुबुन फारसे अन्थाय खुन्थिया गायसन्नायनि दिनेनि गोथार बुब्लियाव फैगौ 14 नभेम्बरखालि गथ'सा सानजों लोब्बा लाखिनानै गोगो लोंग्रा दैनि टेंकिखौ बेखेवनो हायो बेनि थाखाय थांखि लादों

बान्जायगिरिफोरा। अन्थाय खुन्थिया गायसन्नाय हाबाफारिआव नुजाथिफेदोंमोन फारियै आजिरा मोन्न्याय फोरोंगिरि धरनिधर मेधि, जगेन्द्र कुमार डेका, कृष्ण शुभ्रधर, टंला नोगोर आफादनि गाहाय इन्जिनियर बिजय शर्माजों

लोगोसे टंला नोगोर आदर्श गुदि फरायसालिनि गाहाय फोरोंगिरि, फरासालि सामलाय आफादनि बिबानगिरिफोर आरो वाई कमिसनारजों लोगोसे गोबां राइजो-राजाफोरा नुजाथिफेदोंमोन।

माजबातआव बारग' फुटबल गेलेगिरिनि बान्जायनायाव पुलिस आरो मासानि गेजेराव फुटबल बादायलायदों

माजबात, 5 सेप्टेम्बर: उदालगुरि जिल्लानि बेन्दों सिडव थानाय माजबात गेलेमु फोथारनि लांगोनायाव दिने बेलासिनि समाव उदालगुरि जिल्लानि बारग' गेलेगिरि पुलिस आरो माजबात गेलेमु आफाद सुंदयै मासानि गेजेराव मोनसे फुटबल बादायलायनायखौ बेखेवनानै होयो माजबात ब्लकनि बिबानगिरि चम्पक शर्माआ। बे बादायलायनायाव मोननै हान्जानि गेजेराव नारा-नाथा जुजिलायनायाव



गिबि हाफआव इ जादोंमोनब्लाबो नैथि हाफनि 5.27 मिनिटआव माजबात गेलेमु हान्जानि गेलेगिरि थिरेन दैमारीआ गिबि गलखौ सोखांनयनि

उनाव माजबात गेलेमु आफादनि बारग' पुलिस गेलेगिरिफोरखौ फिन गलनै सोबावनानै 3-0 गलआव फेजेन्तो हायो। दिनेनि बे फुटबल

बादायलायनायाव माजबात बिबाबनि एम एल ए चरन बर'आ 12 नं जासि गान्नानै गेलेगिरि महरे गावखौनो दिन्थिफुंदोंमोन।